


傷寒廣要

三



傷寒廣要卷第七

凡邪入少陰



申醫論云文子論重錄東都丹波元堅蒞庭撰

兼變諸證上

誤治虛乏

脈沈而數。按之無力。口渴。身熱不退。即退亦不淨。神氣恍惚。與湯水則飲。不與則不飲。時思食。食亦不能下。舌上微燥。得湯即潤。或淡紅色。或有微苔。或無苔。此裏虛熱而少津液也。直解○案此不

謂誤治證。然以下諸方所主。多有如此者。仍出于茲。

人參奪命散。無問陰陽二證。傷寒日子深淺。差誤服藥。而成壞證。垂死者。服之再生。

人參二兩緊實者

右為鹿末分再服。生薑三片。水一盞半。煎至七分。通口服。一時辰間連進三服。覺鼻上汗出。無不即活。家寶

破證奪命散作丹治傷寒陰陽二證不明。或投藥錯誤。致患人

困重垂死。七日以後。皆可服。傳者云。千不失一。

好。人參一兩。去蘆。細切。水一大升。銀石器內煎至一盞。新水

沈之取冷。一服而盡。汗不自它出。只在鼻梁尖上。涓涓如水。

是其應也。蘇韜光云。侍郎方丈。嘗以救數十人。余宰清流日。

申屠倅行父之子婦。產後病時疫。二十餘日。已成壞證。偶見

問。因勸其一味。只服人參。遂安。是時未知有此方。偶暗合耳。

是齋

治傷寒壞證。時或發熱。消渴煩燥。用新羅人參。不拘多

少。煎湯浸令冰冷。候盛渴之時。與之頓服。熱則隨去。易簡世

謂傷寒汗吐下三法差謬。名曰壞證。昔張致和用獨參湯。救

治一人垂死。手足俱冷。氣息將絕。口張不能言。致和以人參

一兩。去蘆。加附子一錢。於石朮內煎至一碗。以新汲水浸之。

人若冰冷。一服而盡。少頃。病人汗從鼻梁尖上涓涓如水。此其

驗也。蓋鼻梁上應脾。若鼻端有汗者可救。以土在身中周遍

故也。近陸同婦。產後患疫證。二十餘日。氣虛脉弱。即同壞證。

亦以此湯治之。遂愈。孫真人云。人參湯。須用長流水煎服。若

用井水則不驗。蓋長流水。取其性之通達耳。續醫說是治壞

病中之誤汗吐下真氣脫而致虛者服之如神注辨凡發汗

太過一時將至亡陽或身寒而慄或氣脫昏沈等候速宜煎

獨參湯一兩許飲之或甚者以四味回陽飲速為挽回庶可

保全否則恐致不救景岳

人參膏用頂參六兩水五碗煎取二碗復渣用水二碗煎取

一碗去渣將三碗參汁合為一處緩火煎熬以箸常常攪之

候汁稠厚即成膏矣凡救虛危將脫之症得此為善悟心

生脉散○主證互見前三味藥曰生脉散凡救虛危將脫之症得此為善

人參麥門冬五味子各等分

右細切水煎人參之甘補氣麥門冬苦寒瀉熱補水之源

五味子之酸清肅燥金名曰生脉散內外傷辨○原无分

大白候汗太過津液外亡用生脉益氣湯即本方合補

人參白散發汗後脉虛人弱者

人參三錢白朮三錢白芍藥三錢白茯苓三錢生薑三片

再右用水二鍾煎一鍾溫服之蓋要○原加桂枝今刪去

寶鑑補遺不用

太棗云手足冷或身微熱脉皆沈細微弱而煩躁者或用人

參三白湯加竹茹○案此方未審其出典先君子曰要訣云

欲用真武湯且用三白湯蓋即是已而

方錯舉和劑治胸膈蘊熱方及婦人良方治血虛肌熱乞力

加散用朮芍芎甘四味殆此原方也又加減十三方加減玄

癸未仲秋。比鄰林楚畹之母。勞力感寒。頭眩發熱。前醫誤以為  
 太陽表症。而投辛發之劑。連五劑不痊。及延余治。六脉洪緩無  
 力。兩手微見。關動。此乃過飲表劑。因致元氣大虛。血不榮筋。法  
 當溫補。遂用補中益氣湯。加肉桂。灼芍。兩服熱退身涼。脉亦斂。  
 再劑。關動亦止。軒岐救正論

人參二錢 白朮二錢 白當歸二錢 生地黄有熟用此無

人參 麥門冬各一錢 茯苓一錢 甘草炙 川芎 肉桂有熟者減

大五味子十五粒 黃芪二錢半有自汗者用三錢 生薑三片 棗子二箇

水二鍾。煎至一鍾。去粗溫服。如陰虛相火動者。加知母。黃柏。

各一錢。酒炒用。若陽虛下寒脉微者。加熟附子一錢。肉桂倍  
 之。不得眠。加遠志。酸棗仁。各一錢。蘊要○案人參養營湯本出和劑痼冷門今於彼方  
去芍藥陳皮遠志 明條。汗下過多。津液衰少。或病方瘥。血  
 氣尚虛。是以心火不降。腎水不升。而口燥咽乾者。必當滋陰  
 補血之劑。用滋陰養營湯。於本方。去朮。芍。芎。桂。芪。薑。棗。加知  
 母。黃柏。溫疫論。人參養營湯。於滋陰養營湯方中。去黃柏。  
 加陳皮。  
 溫經益元湯。治因汗下太虛。頭眩。振振欲擗地。并肉瞤筋惕。及  
 因發汗太多。衛虛亡陽汗不止。  
 熟地黄 人參 白朮 黃耆 當歸 白芍藥

生地黄 白茯苓 陳皮 肉桂 甘草 大附子

水三鍾。薑一片。棗一枚。槌法。加糯米一撮。煎之。溫服。六書原脫附

子今據撮要。孫氏集效方。並去熟地。茯苓。陳皮。加乾薑。赤水補

此方原為代真武湯。然稍屬緩慢。仍錄于此。

韓氏曰。產脫血虛者。宜用羊肉湯。傷寒汗下太過。亡陽失血。若只用救逆。效必遲矣。與羊肉湯。為效神速。病人面色雖見陽。是客熱上焦。中下二焦。陰氣已盛。若調得下焦有陽。則上焦陽氣下降。丹田知所歸宿矣。夫氣有高下。病有遠近。證有中外。治有輕重。各適其至。所為故。病八九日。汗下太過。二脉沈細無力。多踈足卧。惡聽人聲。皮有粟。時戰如瘧。宜羊肉湯主之。

羊肉湯方

當歸 白芍藥

各一兩 黑附子 四錢 炮裂 去皮臍

龍骨 半兩 燒通赤

生薑 二兩

牡蠣 一兩 燒赤

桂枝 半錢

右為鹿末。每服二兩。羊肉四兩。葱白四寸。去黃心。同剉爛。以

水五升。一升。今之大盞。熬至一半以來。瀘絞去滓。分三服服之。海

云。陽證大汗。大下後。亡陽于外。亡血于內。上而津脫。下而液

脫。津液兩亡。宜以此湯補之。矧陰證者。豈可不溫補哉。此與

傷寒太陽證振搖。與真武湯一例。外之陽症。至此尚溫。况之

陰候。豈得不補耶。略例。○案此方。即當歸生薑羊肉湯。合桂枝加龍骨牡蠣湯。而變化之者。

發瘧

瘧為發汗太過。血不榮筋之候。故亡血新產。瘡家虛家。易犯此證。無論陰陽剛柔脉類。總之正衰邪盛。卒難救療。緒論

瘧者發熱腹痛。口噤頭搖。瘳瘳不語。項強背直。腰身反張。或目疼。或目赤。或閉目。或反目。或足冷。或足溫。或妄行。其脉沈弦而遲。亦或帶緊。此為惡候。不救者多。若脉如雨濺。散出於指外者。且暮殂也。傷風頭痛發熱。常出微汗。又自嘔逆。汗之必發。瘧新產血虛。汗出傷風。亦致發瘧。大發溼家汗。亦作瘧熱而死。瘧初發來。多有腹痛之證。內經曰。戴眼反折瘳瘳。汗出如珠。著身不流。太陽絕也。其謂是乎。總括○初發多有腹痛似不必

若發熱畏寒無汗。閉目仰臥。口燥渴。脉浮緊而數。此屬陽。名剛

瘧。若自汗不惡寒。閉目合面。四肢不收。口中和。脉沈細而瀋。此屬陰。名柔瘧。夫二瘧皆有搐搦反張。口噤咬齒等證。但剛瘧手足抽掣。極能駭人。柔瘧四肢不收。時或發作耳。明條○以上總證

剛瘧為之發汗。柔瘧為之解肌。並以小續命湯加減。剛瘧去附子。用麻黃。柔瘧去麻黃。用生附子。大便利而厥逆者。則以熟附佐之。嬰兒指要○案小續命湯剛柔通用。本出總病論。見于下。

凡二瘧。並可與小續命。加減服之。又有大豆紫湯。與竹瀝。並可與服。然得斯疾。十愈二三耳。管見良方

小續命湯

附子生剉去皮 防風一兩 芍藥 白朮 人參

川芎 麻黃去節湯泡三次焙乾 防己 黃芩 桂枝

甘草各一兩

右剉如麻豆大每服五錢匕水一盞半煎至一盞去滓取八

分清汁入生薑汁再煎一二沸溫服日三夜二若柔痙自汗

者去麻黃加葛根活人○加葛根三字據本書痙論補案此方本出千金治中風冒昧不知痛處拘急

不得轉側總病加葛根名葛根麻黃湯治剛痙柔痙去麻黃加

葛根成一兩半○本方蘊要云剛柔二痙通用小續命湯

主之此言未可憑也如柔痙有汗須去麻黃無熱有寒須去

黃芩防己乃可用之若剛痙熱多須去附子恐不為續命湯

也。用者詳之。

大豆紫湯治中風痙瘓或背強口噤○節上藥錄

大豆五升清酒一斗

取右二味以鐵鑊猛火熬豆令極熟焦煙出以酒沃之去滓服

一升日夜數服服盡更合小汗則愈一以去風仁則消血結

千金○此本出婦人中療產後中風角弓反張又出傷損中

療破傷風入四肢角弓反張口噤不能言凡得此者不過五

劑劑後療中風無問男子婦人中風脊急身痙如弓紫湯

方雞屎二升大豆一升防風三兩右三味以水三升先煮防風取

三合汁豆雞屎二味鎗中熬之令黃赤色用酒二升淋之去

滓然後用防風汁和分為再服相去如人行六七里衣履取

汗外臺○案千金外臺更有類汗方數首當效○以上總治

王朝奉桂枝加葛根栝蒌湯 治證同栝蒌桂枝湯。

桂枝 芍藥 甘草 葛根 栝蒌根 各二錢

右以咀。每服五錢。水二盞。薑五片。棗二枚。煎至一盞。去滓服。

元戎 若汗多亡陽。下多亡陰。致筋脉失養。不柔和而成瘕。無外邪可

解者。惟宜補養氣血。闡要編 緒論云。十全大補

凡陰證脉沈細者。附子湯。芍藥甘草附子湯。桂枝加附子湯。選

用。服藥後。汗出身和者。吉。若脉來沈遲。或緊細。而大便自利者。

皆死證也。緒論 ○案三方之目。原作附子散。附子白朮湯。其方

所不取。攷醫通。舉金匱諸條。必配仲景溫補方。亦屬

牽強。然此三方。特為合轍。仍從改易。○以上柔瘕。

瘕病通宜三承氣合解毒下之。標本 傷寒瘡瘍破傷風。與傷寒治法一同。但以涼膈。白虎。承氣。臨時

斟酌用之。心要 治傷寒剛瘕。壯熱頭痛。筋脉不能舒展。犀角大黃湯方。

犀角 大黃 芍藥 石膏 牛黃

右五味。搗羅四味為散。入牛黃同研令勻。每服一錢匕。不拘

時。煎淡竹葉湯調下。聖濟 ○以

大抵溼之為病。易至沈深。漸漬之餘。淪肌浹髓。於斯時也。須以

求附薑桂。作大劑與之。藥力相接。病當漸解。不可以旦暮而責

效焉。要之。治溼莫若生附蒼朮為快。直指

治溼莫如朮。然白朮性緩。不如蒼朮之烈。芎藭亦能逐水。其說見於左傳。若更挾熱。而小便不利。則須用茯苓防己之類。以通之。然亦視其輕重淺深。若所感重。而溼已達於藏府。必不入食。為嘔為泄。為喘滿。為四支重痛。為鄭聲。為眼直視。睛不能轉。為脚腫。若臍下堅硬。為虛汗。非若風寒之易攻。直須以雄附薑桂橘朮之類。作大劑與服。使藥氣相接。浸漬攻之。積日持久。乃當漸去。要以生附蒼朮為主也。不可以數服不見效用。別藥簡其寒多者。為瀉為浮腫。非附子桂朮不能去也。其風多者。為煩熱。為流走。為拘急。非麻黃薏苡烏頭輩不能散也。治人注

治傷寒中風。骨節疼痛。煩悶不得屈伸。近之則痛劇。汗出短氣。小便不利。惡風。或身微腫。宜服此方。

麻黃二兩 附子一兩 白朮二兩 桂心二兩 赤芍藥一兩

甘草一兩

右件藥。搗鹿羅為散。每服四錢。以水一中盞。入生薑半分。煎至六分。去滓溫服。每日四五服。聖惠○案此本出中風中。然是甘草附子湯變方。

三因附子麻黃湯。治寒溼所中。昏暈緩弱。或腰背強急。口喎語聲混濁。心腹脹。氣上喘。不能動轉。於本方。去桂心芍藥。生薑加乾薑人參。○案此等方。白朮不如用蒼朮。

朮附湯。若但寒頭重。動則眩暈。肌肉酸疼。牽急不得轉側。漿漿

汗出惡寒。小便不利。大便反快。短氣眩暈。足寒。或時咽痛。發熱。此由寒溼之邪。客搏經絡。陽氣不得發洩。蘊於肌肉之間。謂之寒溼。其脈遲緩而小弦。

蒼朮四兩 芍藥 茯苓各三兩 人參 甘草各一兩

附子一兩半

右為鹿散。每服五錢。水二盞煎一盞。去滓溫服。十便引。指迷方。易

簡。附子湯。治風寒溼合痺。骨節疼痛。皮膚不仁。肌肉重著。四

肢緩縱。腰脚酸疼。於本方。去蒼朮。茯苓。加白朮。官桂。用生附

入薑煎。以上重證。

傷溼又兼感寒。則拳掣掣痛無汗。慘慘煩痛。五積散。要訣。

傷溼而兼感風者。若大發其汗。則風去溼在。已得汗而發熱不

去者。敗毒散。加蒼朮一錢。防已半錢。同上。防已一作防風。

論風溼不可汗下。春夏之交。人病如傷寒。其人汗自出。肢體重

痛。轉仄難。小便不利。此名風溼。非傷寒也。陰雨之後。卑溼。或引

飲過多。多有此證。但多服五苓散。小便通利。溼去則愈。切忌轉

瀉發汗。小悞必不可救。初虞世云。醫者不識。作傷風治之。發汗

死。下之死。已未年京師大疫。正為此。予自得其說。救人甚多。壬

辰年。予守官洪州。一同官妻有此證。因勸其服五苓散。不信。醫

投發汗藥。一夕而斃。不可不謹也。大抵五苓散。能導水去溼。耳

胃中有停飲。及小兒吐哕欲作癩。服五苓散最妙。初君之說詳

矣。予因廣此說以信諸人。醫說引信效方

凡冒露感雨。溼氣內攻。而胸前凝滯者。此但可燥溼和中。若誤下之。則溼氣內攻。損傷脾胃。隨必變痢。久則五液注下。即俗名五色痢變為四肢冰冷。手足開撒。昏沈神倦。尺寸沈微。瀉遺無度。錦囊

證上輕

金鑑曰。溫病復傷於溼。曰溼溫。而活人則曰傷溼而又中暑。曰溼溫。味其義意。當遵金鑑為是。蓋傷溼而又傷暑。只可謂之傷暑溼。而不可謂之溼溫也。夫曰溼溫者。是溼而兼瘟也。或先瘟而中溼。或先溼而患溫。與暑何涉焉。第瘟疫兼溼。又最難辨。唯於一身盡痛。痛極且不能轉側。惡飲湯水。目中視物皆紅黃。身

目色微黃。而無譫妄等症者。辨之始得。而溼症之中。又有溼熱寒溼之分。溼熱者。小便赤澀如馬溺。渾濁色白。且有煩熱。大便祕結諸症。宜人參白虎湯主之。或四苓散。大小分清飲。茵陳飲之類。皆可擇用。若天久陰雨。溼氣過勝。其人藏府虛。大便滑。小便清。乃是寒溼。宜朮附湯。但瘟疫兼溼熱者多。而兼寒溼者少。北方風高土燥。患此者少。唯南方水鄉卑溼。天氣炎熱。患者但多。春冬感者恒少。而夏秋患者恒多。所宜隨其時地。而變通之。

白虎加蒼朮湯。治溼溫多汗。  
知母六兩 甘草炙二兩 石膏一斤 蒼朮三兩 粳米三兩

傷寒論卷之二十一 辨傷寒濕溫病脈證并治法第二十一

右劉如麻豆大。每服五錢。水一盞半。煎至八九分。去滓。取六  
白分清汁。溫服。此方。出傷寒微旨。亦做金匱白虎加桂湯。○活人

溫上溼

治傷寒中風發熱。六七日不解。而煩渴欲飲水。而吐逆。猪苓散

方。猪苓一兩。澤瀉一兩。赤茯苓一兩。桂心半兩。白朮半兩。

右件藥。搗鹿羅為散。每服三錢。以水一中盞。煎至六分。去滓。

溫溫頰服。○聖惠

治時氣結胃。心下滿實煩悶。宜服猪苓散方。

猪苓一兩。澤瀉一兩。桂心半兩。赤茯苓三分。川朴消三兩。

右件藥。搗細羅為散。每服不計時候。以粥飲調下二錢。○聖惠

辰砂五苓散。治傷寒表裏不解。頭痛發熱。心胸鬱悶。脣口乾焦。

神思昏沈。狂言謔語。如見鬼神。及治瘴癘。煩悶不省者。

木猪苓去黑皮。白朮洗去蘆。澤瀉洗。赤茯苓去皮。

辰砂研各廿二兩。肉桂去皮八兩。甘草炙。右為細末。每服二錢。沸湯點服。○和劑

減桂五苓散。治傷寒時氣。燥渴飲水。赤茯苓。猪苓。白朮各二兩半。澤瀉四兩半。

傷寒論卷之二十一 辨傷寒濕溫病脈證并治法第二十一

右咳吐萬安方引良驗方。得效名四苓散。○案此方本出小兒方訣瘡疹論。

桂苓甘露飲。一名桂苓白朮散。治傷寒中風溼熱內甚。或頭痛口乾。或

吐瀉煩渴。或小便赤澀。

桂半兩 茯苓 白朮各半兩 甘草炙 澤瀉 石膏

寒水石各二兩 滑石二兩

右為極細末。熱湯調下三錢。欲冷飲者。新水調下。或生薑湯

調下尤良。小兒服一錢。直格。宣明論有猪苓。○案小兒方訣

露散治傷熱吐瀉黃色石膏寒水石各半兩甘草生一分為末每服一字或半錢食後溫湯調下蓋河間合之五苓散者

益元散。一名天水散。一名太白散。消畜水。止渴利中。除煩熱心躁。

滑石六兩白膩好者 甘草一兩

右為細末。每服三錢。蜜多許。溫水調下。或無蜜亦可。每時日

三服。或欲冷飲者。新井泉調下。亦得。直格。御藥院方名六一

散。標本。澹滲湯。即本方。合五苓散。

導赤散。治小水不利。小腹滿。或下焦畜熱。或引飲過多。或小水

短赤而渴。脉沈數者。以利小便為先。

茯苓 猪苓 澤瀉 桂枝 白朮 甘草 滑石

山梔

中溼身目黃者。加茵陳。水二鍾。薑一片。燈心二十莖。槌法。

入鹽二字調服。六書

效喘

肺主氣。形寒飲冷則傷之。使氣上而不下。逆而不收。衝擊膈咽。令喉中淫淫如癢。習習如梗。是令欬也。甚者續續不已。連連不止。坐卧不安。語言不竟。動引百骸。聲聞四近矣。欬之由來。有肺寒而欬者。有停飲而欬者。有邪氣在半表半裏而欬者。雖同曰欬。而治各不同也。停飲而欬者。小青龍湯所主。為水飲與表寒相合而欬者。真武湯所主。為水飲與裏寒相合而欬者。又不可不知也。欬為肺疾。治之必發散而可矣。而又有不可發汗者。經曰。欬而小便利者。不可發汗。發汗則四肢厥逆冷。又曰。欬而發汗。蹇而苦滿。腹中復堅。明理論

肺主氣。形寒飲冷則傷肺。故其氣逆而上行。衝衝而氣急。喝喝

而息數。張口擡肩。擷身滾肚。是為喘也。傷寒喘者。有邪氣在表。氣不利而喘者。有水寒之氣射肺而喘者。各不同也。經曰。喘而汗出者。與葛根黃芩黃連湯以利之。汗出而喘者。與麻黃杏子甘草湯以發之。二者如何而然也。且邪氣內攻。氣逆不利。而喘者。有因喘而汗出。見其邪氣在裏也。雖表未解。未可和之。若邪氣外盛壅遏。使氣不利而喘者。雖汗而喘不已。見其邪氣在表也。雖經汗下。亦可發之。此亦古人之奧義。傷寒止於邪氣在表而喘者。心腹必濡而不堅。設或腹滿而喘。則又為可下之證。經曰。短氣腹滿而喘。有潮熱者。此外欲解。可攻裏也。為因滿脹而喘矣。又或邪氣內盛。正氣欲脫。氣壅上逆。亦主喘也。經曰。直視

譏語喘滿者死。又汗出髮潤喘不休者。此為肺絕。身汗如油。喘而不休。此為命絕。皆為不治之喘也。同上。並節錄。

治傷寒四日。因下後大渴。服冷藥過多。喘急者。陰盛故也。宜服

小青龍湯方。

於仲景原方中。加杏仁。入生薑煎服。聖惠。其詳原方。

杏子湯。治一切咳嗽。不問外感風寒。內所傷生冷。及虛勞咯血。

痰飲停積。悉皆治療。

人參 半夏 茯苓 細辛 乾薑 芍藥 甘草

官桂 五味子 各等分

右咬咀。每服五錢。水一盞半。杏仁去皮尖。剉五枚。薑五片。煎

至六分。去滓。食前服。易簡。今去人參不用。

石頑治里醫吳佩玉次女。傷風咳嗽。先前自用疎風潤肺止咳之藥不應。轉加嘔渴咽痛。求治于余。診之六脉浮滑。應指作半夏散與之。三啜而病如失。或問。欬嗽咽痛而渴。舉世咸禁燥劑。而用半夏。輒效。何也。曰。用藥之權衡。非一言而喻也。凡治病必求其本。此風熱挾飲。上攻之暴嗽。故用半夏。桂枝以開通經絡。迅掃痰涎。兼甘草之和脾胃。而致津液。風痰散而營衛通。則咽痛燥渴自已。設泥其燥渴。而用清潤。滋其痰溼。經絡愈壅。津液愈結。燥渴咽痛。愈無寧宇矣。論緒。

加減瀉白散。治煩熱胸膈不利。上氣喘促。口乾或效者。

傷寒論卷之七  
辨傷寒發汗後脈證  
傷寒發汗後脈證

桑白皮 錢二 橘紅 知母 貝母 桔梗 甘草 各一錢半

地骨皮 錢一 細黃芩 瓜蒌仁 去殼 各一錢五分

右用水二鍾。煎至一鍾。去粗溫服。蘊要○案此本出實鑑。今去青皮加貝母瓜蒌仁。又

瀉白散本是小兒方訣方用桑白皮地骨皮甘草三味。

葶貝養營湯。治解後痰涎湧甚。胸膈不清者。

而用知母 花粉 貝母 瓜蒌實 橘紅 白芍 當歸

紫蘇子 溫痰 論 水薑煎服。

因發汗時。汗出如水漏下。還復汗少。喘促不止。脉促而按之濡者。合當汗而解。脉促而汗之。實者死。若脉浮。手足微厥。面垢

者。合當汗而解。脉促而汗之。實者死。若脉浮。手足微厥。面垢

腎青。昏憤而喘者。陰陽未和。尚阻升降。宜服順陰陽。五味子

湯。○案此主證可疑。

麻黃 兩半 人參 五味子 麥門冬 杏仁 橘皮

生薑 各一分 大棗 七枚

咬咀。水三升。煮七合。去滓。通口服一盞。未差再作二三服。手

足厥甚者。厚衣護其厥。病總 治人。五味子湯。治傷寒喘促。脉

小伏而厥。於本方。去麻黃。○入門名加味生脉散。

凡傷寒大下後。氣虛發喘。目反脉微者。急用上黨人參五錢。甚

者一兩。水一鍾半。煎至半鍾。服之喘定。生不定死。明條

陰證發喘。尤為惡候。斲喪之人。腎氣上來。而用腎氣丸。雜以黑

傷寒論卷之七  
辨傷寒發汗後脈證  
傷寒發汗後脈證

錫丹導火歸元。然多不救。加以動息搖肩。戴眼直視。汗出厥逆者。立斃。大抵邪壅上盛。正氣欲脫。必至喘滿。緒論

有病後氣虛。不能接續。非喘也。乃氣短也。方書用大劑生脉散。

少佐陳皮二母主之。然此乃急症。須大劑八味加入參兩許。方

效。西塘感症

失血

雜病衄者。實熱在裏。傷寒衄者。實熱在表。千金翼曰。吐血有三種。一曰肺疽。二曰傷胃。三曰內衄。既吐血家。謂之內衄。則其鼻中出血者。可謂之外衄。是經絡之血妄行也。經絡熱盛。陽氣擁重。迫血妄行。出於鼻則為衄。桂枝湯麻黃湯治衄者。非治衄也。

即是發散經中邪氣耳。若邪氣不得發散。擁盛於經。逼迫於血。

則因致衄也。即非桂枝麻黃湯專治衄也。太陽病。脉浮緊。發熱。

身無汗。自衄者。愈。是經中之邪。隨而散則解矣。故知衄者。不待

桂枝湯麻黃湯發散之也。衄者。若但頭汗出。身無汗。及汗出不

至足者。死。黃帝亦以為不治之疾。明理

凡候熱病而應衄者。其人壯熱。頗發汗未出。或未及發汗。而鼻

燥喘息。鼻氣鳴。即衄。凡衄。小兒止一升數合。則熱因之為然。若

一升二升者。死。巢源○據溫病鼻衄候然字當作歇字

若衄而成流者。不須服藥。少刻自解。若點滴不成流者。必用服

藥無疑。經曰。奪血者無汗。奪汗者無血。俗人以血為紅汗。厥有

傷寒論卷第七  
辨陰陽篇第七  
辨脈篇第七  
辨病篇第七  
辨證篇第七  
辨治篇第七

旨哉。六書○又曰若點滴不成流者其邪在經未解凡得衄血而解者邪之輕也。若邪重者雖衄血亦不解也。凡脉浮數口乾鼻燥熱者必衄也。凡吐血衄血無表證脉不浮緊者不可發汗也。大抵衄血吐血脉滑小者生脉實大者死或吐或衄後脉微者易治若熱反盛脉反數急者死也。凡血得熱則行得冷則凝見黑則止所以犀角地黃湯中加好京墨一二匙攪藥令黑與之最效也。蘊要○紫大白云外感之衄脉大者易治沈瀆者難醫亦一說也傷寒發熱無汗因致衄者此熱隨衄散謂之紅汗不可即止亦不可太多即止熱不能解太多又能虛人即止者還宜清涼解表太多者又宜滋補氣血。直解

麻黃升麻湯治傷寒發熱解利不行血隨氣壅世謂紅汗是也。

麻黃去節湯二兩半升麻一兩黃芩芍藥甘草生

石膏煨茯苓各一兩

右剉散每服四大錢水一盞半薑三片煎七分去滓熱服微

汗解。三因

石頑治欬客黃姓者正月間患傷寒衄血甚多必發於邪刻數日不止面上佛鬱頭痛身微熱脉浮大而數按之則孔意謂衄血既多則熱邪當解此獨不解者先必邪氣在經點滴之衄誤服涼血止截藥所致遂與越脾湯一劑熱服得汗而解但至夜則身有微熱更與當歸補血湯四劑而安。緒論

傷寒論卷第七  
辨陰陽篇第七  
辨脈篇第七  
辨病篇第七  
辨證篇第七  
辨治篇第七

若衄已而熱不退者。惟升麻葛根湯。敗毒散。陽旦湯。為穩。要訣

曾氏家學。治傷寒七八日不解。自胃上至頭目。黑紫壅腫。寸脉

浮大而數。是欲作衄而不能出也。西北方人。或於兩尺澤中。出

血如射。即安。治例

深師。黃土湯。療鼻衄。去五藏熱。氣結所為。或吐血者。方。

當歸 甘草炙 芍藥 黃芩 芎藭各三兩 桂心一兩

生地黄一斤 釜月下焦黃土如雞子一枚碎綿裹 青竹皮一兩

右九味。切。以水一斗三升。煮竹皮減三升。去滓。內諸藥。煮取

三升。分四服。忌海藻。菘菜。生葱。外臺○案十金無桂心 聖惠。治熱病

鼻衄。黃龍湯。於本方。去芎藭。桂心。加川升麻。川朴消。

治傷寒心肺熱毒。鼻衄不止。或兼唾血。宜服黃連散方。藥四

生黃連三分 黃芩一兩 梔子人兩半 甘草兩半 伏龍肝三分

而淡竹茹一兩

右件藥。擣篩為散。每服五錢。以水一大盞。入生薑半分。煎至

五分。去滓。入生地黄汁二合。亂髮灰六錢。攪令勻。更煎三兩

沸。不計時候。放溫。頻服之。以差為度。聖惠

治時氣鼻衄。煩躁不止。頭痛氣逆。宜服石膏飲子方。

石膏二兩 甘草兩半 赤芍藥一兩 黃芩一兩 柴胡一兩

桂心兩半 生地黄兩三

右件藥。細剉和勻。每服半兩。先以水一大盞半。浸伏龍肝二

兩。澄取清一大盞。煎至五分。去滓。不計時候溫服。聖惠

治傷寒上膈壅熱。心神煩躁。鼻衄不止。宜服黃芩散方。

黃芩三分 川大黃三分 梔子一分 犀角屑兩半

石膏兩三 羚羊角屑兩半 藍葉三分 甘草兩半

川朴消兩一 右件藥。搗篩為散。每服五錢。以水一大盞。煎至五分。去滓。不

計時候溫服。以差為度。聖惠

衄而煩者。竹葉石膏湯。以散經中之邪。門入

生地芩連湯。治鼻衄成流。久不止者。或熱毒入深。吐血不止者。

黃芩 山梔 桔梗 甘草 生地黃 黃連 柴胡

川芎 芍藥 犀角 如無。升麻代之。

外用切法。水紙搭於鼻冲。○次條山梔方是。水二鍾。棗二枚。煎至

八分。槌法。臨服入茅根搗汁。磨京墨調服。如無茅根。以藕搗

汁亦可。六書

傷寒鼻衄。成流久不止者。將山梔炒黑色。為細末。吹入鼻內。外

將水紙搭於鼻冲。其血自止。六書

凡時行衄。不宜斷之。如一二升已上。恐多者可斷。即以龍骨末

吹之。十金

治傷寒鼻衄。肺間有餘熱故也。熱因血自上不止。用此方。

牡蠣二兩 石膏一兩

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

傷寒黃芩要卷一

右二味。治下篩。酒服方寸匕。日三四。亦可蜜丸。如梧子大用。

治大病瘥後。小勞便鼻衄者。千金○案此本出肘後不出。宜服此方。

治傷寒口鼻俱出血。可及三五升。宜服此方。

亂髮灰兩半。伏龍肝兩。右件藥。同研令細。每服不計時候。以新汲水。調下二錢。頻服。

以差為度。聖惠。治傷寒衄血。滑石湯。

滑石末。不以多少。飯圓如桐子大。每服十圓。微嚼破。新水嚥下。立止。只用藥末一大錢。飯少許同嚼下。亦得。老幼皆可服。

湯晦叔云。鼻衄者。當汗不汗所致。其血青黑。時不以多少勿

得止。宜服溫和藥。以調其營衛。纔見血鮮。急以此藥止之。本

三黃補血湯。治衄血下血。人弱者。服之即止。下

熟地黄錢二 生地黃錢二 當歸錢二 柴胡分五 芍藥錢三

升麻錢一 牡丹皮錢一 川芎錢一 黃芪錢一

右用水二鍾。煎至一鍾服。要蘊

有衄後病反重者。更傷其陰也。大為危候。其衄勢必大甚。六味

飲。加生地黃。生白芍。若血來太多。致耗中氣。當大補其陽。當歸

補血湯。加人參。甘草。慮虛火上浮。加麥冬。五味。西塘感症○當

歸黃芪二味。本出

東垣○以上衄血。衄出于肺。行清道。吐出於胃。行濁道。衄血之熱。在經在表。吐血

之熱在腑主裏。血之存於胃中者。為守營之血。守而不走。諸陽受熱。當汗不汗。熱毒深入於中。其血為火所逼而上逆。隨從肺竅。出於咽而為吐矣。亦有蓄血上焦而吐者。瘟疫患此。始終一於為熱實者。犀角地黃湯。稍虛者。黃芩芍藥等湯。加減出入。便可奏效。說疫

常見世醫。每每遇傷寒吐血。則曰傷寒變成火疾。是以實為虛。妄投滋陰降火等藥。致病者斃而後已。深可嘆也。不知傷寒吐血。乃表邪入裏。為有餘之邪。可攻之。可清之。可破之。邪去則血止矣。若火症吐血。乃內傷七情。陰虛陽盛。為不足之症。可補之。可溫之。可滋之。陰盛則血止。二症一虛一實。以此觀之。大相矛盾。又安得以傷寒吐血。為虛症吐血乎。五法

瘵寧生危言云。血溢血泄。諸畜妄證。其始也。予率以桃仁大黃。行血破瘀之劑。折其銳氣。而後區別治之。雖往往獲中。猶不得其所以然也。後來四明。遇故人蘇伊舉。問論諸家之術。伊舉曰。吾鄉有善醫者。每治失血畜妄。必先以快藥下之。或問失血復下。虛何以當。則曰。血既妄行。迷失故道。不去畜利。則以妄為常。曷以禦之。且去者自去。生者自生。何虛之有。予聞之愕然曰。名言也。昔者之疑。今釋然矣。準繩

昔陶尚文治一人。傷寒四五日。吐血不止。醫以犀角地黃湯。茅花湯等藥治之。而反劇。遂請陶公視之。切其脈浮緊而數。若不

傷寒實要卷一  
三二  
建修堂藏板

傷寒論卷之六

三

傷寒論卷之六

汗出邪無由而解矣。遂用麻黃湯一服。汗出而愈。此陶公可謂得仲景之心法矣。要蓋

凡吐血不止。以三稜鍼刺衝陽穴出血。最效。上同

傷寒咯血。猶難救療。况吐血乎。凡吐血皆非美恙。初病猶可用

工。有陸續而來。或經數時而復吐者。斷不可救藥也。通用。蘿

蔔汁一小盞。入新汲水。煎茅花主之。血熱者。黃連阿膠湯。證治。

○書括此通用地血散。藥皮湯。三黃瀉心湯。總括○緒論云。血

有論字。黃連阿膠湯。大還云。吐鮮血不止。躁渴者。黃連解毒湯。加丹皮。茅花。京墨。

治傷寒吐血。心煩不食。宜服伏龍肝散方。

伏龍肝三兩 生乾地黃一兩 栝葉一兩 茜根一兩

阿膠一兩 黃芩一兩 黃連一兩 甘草半兩

右件藥。搗鹿羅為散。每服四錢。以水一中盞。煎至六分。去滓。

不計時候溫服。聖惠 又治傷寒心熱。及餘毒不退。吐血一二

升不止。生乾地黃散。於本方。去栝葉。茜根。阿膠。甘草。加黃檗。

小吳藍。麥門冬。

治傷寒吐血不止。栝葉散方。

青栝葉一兩 生乾地黃一兩 阿膠一分

右件藥。搗篩為散。以水一大盞半。煎至一盞。去滓。別攪馬通

汁一合相和。更煎一兩沸。不計時候。分溫三服。聖惠○此即仲景栝葉湯

方

傷寒論卷之六

三

傷寒論卷之六

治傷寒壅極吐血。百治不差方。

生地黄汁一分 川大黃一分 劉劉微

右件藥先煎地黄汁三兩沸。內大黃末。調令勻。不計時候。溫

服。聖 總病名大黃散。○案此方本出千金治虛勞吐血。

吐血雖屬傷陰之證。宜滋陰養血。然亦有陽虛不能攝血。而血

外溢者。宜用參苓芪朮。補氣以攝血。若陽虛已極。兼畏寒足冷。

飲食不進。嘔吐泄瀉。急用薑桂附子之類。不可泥以為吐血屬

火。而槩用滋陰也。直解

失血少血。或尺脉遲。或諸脉不出。湯劑中須以人參為佐。總括

有陰症凝寒。脉來遲細。腹痛厥逆。嘔吐紫黑色者。亦不可治之

矣。明條

若暴吐腐臭之血。名曰內潰。內潰者死。金鑑○以上吐血

凡下血便膿血。有陽證陰證。冷熱之不同。要在辨之而已。古人

言見血無寒。又言血得熱而行。皆大概之言也。大抵十分中。有

八九分屬熱。間有一二屬寒也。故不可一概而治之矣。畧例曰。

○原原作要 陽證內熱。則下鮮紅之血。陰證內寒。則下紫黑成塊。

或如豚肝也。○案明條亦曰熱傷其血。血得熱而暴行。所下者必

紫黑成塊。愚意似未必然。又緒論曰。陰證內寒。則下血。且夫陽

證則脉數。若數而有力者。為實熱。可以純苦之藥治之。要當養

血藥中。少佐一二味寒藥。可也。若陰證則脉遲。遲而有力者。為

傷寒論要卷七

三

傷寒論要卷七

有神可治。遲而無力者。為無神。難治。若下血脉洪大。急鞭不和者。死。若脉雖大而和者。乃可治也。蓋以藥之熱欲之要當

孫用和。治陽毒入胃。下血頻。疼痛不可忍。昔魏晉時。且夫

鬱金。五箇。大者。牛黃。一皂莢子大。別細研。二味同為散。每服

用醋漿水一盞。同煎三沸。煎服。證類聖濟。治傷寒汗後。陽毒

入胃。下血頻。併痛不可忍。勝金散。即本方。而前夫暑時

桂附六合湯。治陰證下血。紫黑如豚肝。言此大熱十女中

川芎上當歸上芍藥中熟地黃中官桂下古人

附子下炮。湯。桂附六合湯。而不載其方。蓋即是也。

右水二鍾。煎至一鍾。蓋要○案畧例云。下而血者。芎歸亦附

凡陰症內寒下血。必用乾薑。炒半黑用之。如神其效也。同上○

血凡厥血胃實兼蓄血亦見陽明病中

衝脉為血之海。即血室也。男女均有此血氣。亦均有此衝脉。衝

之得熱。血必妄行。在男子則為下血。譫語。在婦人則於經水適

來適去之時。經氣尚虛。邪乘虛入。或熱退而胃滿譫語。或蓄血

而寒熱似瘧。皆謂之熱入血室。私竊怪夫世俗常談。凡病皆先

調氣。而血之一字。念不到焉。其間一二。亦知理血。則曰。婦人有

之。不思血氣。即陰陽也。負陰抱陽。中兩間而為人。誰獨無此血

氣哉。否則張朱之書。所謂桃仁承氣湯。抵當湯丸之類。是特為

傷寒論要卷七

傷寒論要卷七

三

傷寒論要卷七

婦人設耳。然而血證之脉何如。曰。挾血者。脉來乍澀乍數。閃灼明滅。或沈細而隱伏也。若夫血熱交盛。則寸關洪盛。大抵多於左手見之。左手主血。固如是爾。經云。血上逆則妄。血下蓄則狂。下焦蓄血。小便必自利。血結之處。又當以此推之。總括○緒論云。凡血滯不行。則脉乍濡乍數。或沈或伏。若血熱交併。則洪盛。血虛則芤。虛中有瘀。則芤中帶弦。此一定法也。諸陽受熱。其邪在表。當汗不汗。致使熱毒入臟。積瘀於內。不或吐血。蓋傷寒失汗。則邪熱化爲惡血。或蘊毒不除。亦能腐其血。凡眼閉目紅。神昏語短。心忪痛悶。眩冒迷忘。漱水燥煩。嘔吐喘促。驚狂譫語。鼻衄唾紅。背冷足寒。骨熱膚關。四肢厥逆。多汗頑痰。胃脇小腹滿急。大便黑而微利。小便多而不禁。此等皆

傷寒論要卷七

二十一

血證

血證也。男女均有此血脉。婦人傷寒。尤多見之。以其得病於經水來去之期。或受病中間。經水適至耳。血之爲痛。大抵夜重日輕。或晝明了。而暮譫語。血屬陰。從其類也。前證不必悉具。但見其一二分曉。便作血證主張。犀角地黄湯。小柴胡湯。○又云。小柴胡加桃仁。大桃仁承氣湯。三黃湯丸。酌量輕重用。瘀血結甚。抵當湯丸主之。○原此下云。諸湯皆以川芎爲佐。取盡大便黑物則佳。上同若病人無表證。不發寒熱。胸腹滿脣燥。但欲漱水不欲唾者。此爲有瘀血。必發狂也。輕者。犀角地黄湯。甚者。抵當湯。治人胃實失下。至夜發熱者。熱留血分。更加失下。必致瘀血。初則晝夜發熱。日晡益甚。既投承氣。晝日熱減。至夜獨熱者。瘀血未行

傷寒論要卷七

二十一

血證

傷寒論卷七

三

傷寒論卷七

也。宜桃仁承氣湯。服湯後。熱除為愈。或熱時前後短縮。再服再短。畜血盡而熱亦盡。大勢已去。亡血過多。餘焰尚存者。宜犀角地黃湯調之。又有熱入血室。非畜血。未可下。宜審論。溫疫大便溏膩如漆者。為畜血。若黑燥如煤者。為燥結。非畜血也。畜血證。舌胎有邊白中黑。而極薄潤。必無乾燥焦黃者。以血屬陰。無大實熱故也。緒論

小品。芍藥地黃湯。療傷寒及溫病。應發汗而不發之。內瘀有畜血者。及鼻衄吐血不盡。內餘瘀血。面黃大便黑者。此主消化瘀血。○案大白云。衄血吐血。若畜聚淤結。犀角地黃湯。疑滯此說不必。且此云瘀血。蓋非疑堅之謂也。  
芍藥 三分  
地黃 半斤  
丹皮 一兩  
金三兩  
金生地黄 十兩  
金二兩

犀角屑 兩

右四味。切。以水一斗。煮取四升。去滓。溫服一升。日二三服。有熱如狂者。加黃芩三兩。其人脈大來遲。腹不滿。自言滿者。為無熱。不用黃芩。外臺千金名犀角地黃湯。喜忘如狂者。加大黃二兩。黃芩三兩。其人脈大來遲。腹不滿。自言滿者。為無熱。但依方不須有所增加。聖惠治熱病發汗而汗不發。致內有積瘀。故吐血不止。生乾地黃散。於本方。加刺薊。栝葉。元戎。犀角地黃湯。治心經邪熱。及發狂。於本方。去芍藥。加朱砂。黃連。白茯苓。○此猶用之本方証。而屬熱甚者。為佳。故錄于茲。蘊要。加味犀角地黃湯。治血結胃中。手不可近。其人嗽水不欲嚥。或喜忘如狂。

傷寒論卷七

三

傷寒論卷七

傷寒論卷第七

七

非修堂藏板

或大便黑色。小便自利。此血結胃中。於本方加大黃。血未下者。更加桃仁。入門。表熱。加柴胡。黃芩。鼻衄。加山梔。內熱甚。加黃連。溫疫論。先將地黃。溫水潤透。銅刀切作片。石臼內搗爛。再加水如糊。絞汁聽用。其滓入藥內煎。藥成去滓。入前汁合服。

血積胃中。熱之甚也。以犀角地黃湯。

生地黄二兩 黃芩一兩 黃連一兩 大黃半兩

右咬咀。水三盞。秤一兩。煎至二盞。去滓。食後服之。潔古注。脉訣。○紫方。

中無犀角。蓋犀角消毒飲之例。然加用最妙。又諸家所稱犀角地黃湯。皆是前方。非此方也。

韓氏微旨方。地黃湯。治病人七八日後。兩手脉沈遲細微。膚冷。

臍下滿。或喜或忌。或在或躁。大便實而色黑。小便自利者。此畜血證具也。若老年及少年。氣虛弱者。宜此方主之。

生地黄 自然汁一升。如無生地黄。凡用生乾地黃末一兩。

生藕 自然汁半升。如無藕。以藕刺汁半升。如無藕刺汁。用刺薊末一兩。

藍葉 一握。切碎。乾者末。半兩。 蠱蟲 三十箇。去足翅。炒黃。 大黃 一兩。剉如

桃仁 半兩。 水蛭 十箇。

右同一處。水三升半。同慢火熬。及二升以來。放冷。分三服。投一服。至半日許。血未下。再投之。此地黃湯。比抵當湯。九其實甚輕也。如無地黃汁。與藕汁。計升數。添水同煎。元生漆湯。病人七八日後。兩手脉沈細而數。或關前脉大。臍下滿。

傷寒黃要卷七

七

非修堂藏板

或狂走。或喜忘。或謔語不大便。小便自利。若病人年少氣實。即血凝難下。恐抵當丸力不能及。宜此。

生地黄汁一升。如無汁。只用生乾地黄三兩半。犀角一兩。鎊為末。

大黃二兩。剉碎。如散子大。桃仁三十箇。拍碎。

右作一處。用水三升。好酒一升。慢火熬三升以來。傾出。濾去滓。再入鍋。投點先生漆一兩半。再熬之。至二升即住。淨濾去滓。故冷作三服。每投服。候半日許血未下。再投一服。候血下即止服藥。如無生地黄汁。更添水一升同煎。元戎

傷寒廣要卷第七 終

傷寒廣要卷第八

東都丹波元堅菴庭撰

兼變諸證 中

結胃 胃滿

病人以傷寒為大患。傷寒以結胃為惡證。又結胃有陰陽。陽結者。陽盛下之太早。陰結者。陰盛下之太早。拘結胃何以辨明。陽結則實痛。陰結則暄痞。其病傷寒之又手偃仰滿硬攻心起而兩目上視。纔坐兩足前移。醫者見此證。便投陷胃丸。若陽結則痊。陰結則殺之。萬安方。引究原方。○案此論不純。且文有謬脫。然其理稍通。姑錄存之。攷成無已。曰傷寒錯惡為甚。

傷寒廣要卷第八

律修堂成反

傷寒論卷之八

傷寒論卷之八

張兼善曰。下早結胸。事之常。熱實結胸。事之變。其熱實傳裏為結胸。乃法之關防不盡者。選錄

凡結胸。有兼發黃。有兼發斑。或發狂。或吃逆者。最重。但脉微細。沈。手足冷者。皆難治也。若脉沈緊。沈滑。沈實。或數。大有力者。乃

可攻之也。蘊要○案醫綱孫兆治傷寒胸腹滿。面黃如金色。下小陷胃湯。尋利良愈。

大抵結胸之脉。要沈緊滑實者。乃可下之。沈微細小者。決難救矣。若結胸喘急直視者。結胸昏憤厥逆者。結胸狂亂吃忒者。結

胸二三下不退者。此皆死候也。明條

陷胃湯。治胃中心下結積。飲食不消方。

枳實 大黃 黃連 甘草

各二兩 一兩

右四味。以水五升。煮取二升五合。分三服。千金翼方。加

甘遂。元戎。小陷胸湯。於本方。去甘草。水二盞。先煮枳實。

八至一盞半。下諸藥。煎至八分。溫服。未利再服。下黃涎。○案此

千金聖藥積聚中。今治結胸證在大小陷胃之間者。甚效。因錄于此。

治傷寒十餘日。熱氣結於胃中。往來寒熱頭痛。宜服大黃散方。

川大黃 柴胡 枳實 川朴消

赤芍藥 黃芩 虎掌

三分 微炒

右件藥。搗篩為散。每服四錢。以水一中盞。入生薑半分。煎至六分。去滓。不計時候溫服。聖惠○案此仍大柴胡湯加芒消。今用以彼而可。

治傷寒十餘日。熱氣結於胃中。往來寒熱不定。宜服柴胡散方。

傷寒論卷之八

傷寒論卷之八

傷寒論卷之八

柴胡三分枳實三分赤芍藥三分甘草半兩半夏三分

黃芩三分桔梗一兩

右件藥搗鹿羅為散。每服五錢。以水一中盞。入生薑半分。棗

二枚。煎至六分。去滓。不計時候溫服。聖惠

若傷飲不解散。成結胸之證。臨時擇用大小陷胸湯。九累下之。

脉浮者不可下。是表證未出。小柴胡合小陷胸湯投之。心要

若按心胸雖滿悶不痛。尚為在表。未入乎腑。乃邪氣填于胸中。

只消小柴胡加枳桔。以治其悶。如未效。本方對小陷胸。一服如

神。六書。○當參少陽病。小柴胡加減法。

傷寒下之太早。結胸。黃連解毒湯。加枳殼。傷寒結胸虛痞。涼膈

散。加枳殼。桔梗。標本

治傷寒痞氣。胸滿欲死。枳殼湯。

枳梗各一兩枳殼炙去穢

右剉如米豆大。用水一升半。煎減半。去滓。分二服。傷寒下早。

大則氣上。膨胸。世俗即謂之結胸。多更用巴豆粉霜膩粉下之。

十有七八死。此蓋瀉其下焦。下焦虛。則氣愈上。攻胸膈。多致

不救。凡胸脹病。只可瀉膈。若按之堅硬而痛。此是結胸。如胸

有水。須用大黃甘遂葷下之。陷胸丸之類。是也。若按之不甚

硬亦館本有甚字痛。此名痞氣。上館本正虛氣熱鼓脹。只可用黃芩

黃連大黃之類化之。嘗有人患胸滿。已危困。作結胸痞氣。治

傷寒黃連要卷八

律修堂藏版

傷寒論卷之八

傷寒論卷之八

皆不瘥。文館本大夫以此湯飲之。下黃水一升許。遂瘥。予得此法。用之如神。若是痞氣。莫不應手而消。凡傷寒胸脹。勿問結胸痞氣。但先投此藥。若不瘥。然後別下藥。緣此湯但行氣下膈耳。無他損。蘇沈

孫用和云。胸滿。則諸瀉心湯。審證用。總括○以上陽證

大陷胸湯方

桂枝四兩 甘遂四兩 大棗十二枚 枳實一枚

人參四兩 右五味。以水七升。煮取三升。去滓。溫服一升。胸中無堅。勿服之。王函

崔氏。其年時值四五日。大下後。或不下。皆患心下結滿。兩脅痞塞。胸中氣急。厥逆欲絕。心胸高起。手不得近。不過二三日。輒便死歿。諸醫用瀉心湯。余用大小陷胸湯。並不得瘥。重思此

是下後虛逆。而氣已不理。而毒復上攻。毒氣相搏。結於胸中。縱不下者。毒已入胃。胃中不通。毒還衝上。復搏於氣。氣毒相激。故致此病。療之當先理其氣。次下諸疾。思與增損理中丸方。

人參二兩 白朮二兩 甘草二兩 乾薑六分

枳實四枚 茯苓二兩 牡蠣二兩

右八味。末之。以蜜和為丸。服如彈子一九。熟水下。不歇復服。

傷寒論卷之八



耳。予謂竺。向客曰。上人不憂作緣。但恐夜更來乞。失人眠耳。果爾。如何。余復與數彈丸。明日便愈。叔遂至今用之。護軍司法館本劉元寶妾病亦如此。叔復與之一服。如雞子一枚。便瘥。叔知故文武。遂多蒙救濟。傷寒難療。故詳記焉。此行功自叙也。余以此丸。與枳殼湯兼服。理無不驗。理中丸所用枳實。只是枳殼。古人只謂之枳實。後人方別出枳殼一條。蘇肘後去甘草云。若嗽。加枯薑二兩。吐。加牡蠣二兩。治人去枯薑根。牡蠣名枳實理中丸。治人書括。去茯苓。加黃芩。元戎引王朝奉同要訣。寒實結胸。雖痛而無煩躁等證。此因下後虛逆。寒氣獨結。宜理中湯。加枳實半錢。茯苓一錢。或枳實理中圓。

論蘊要。若脉沈寒甚者。須加附子。炮熟。二錢。或三錢。斟量用之。○案本方所立。蓋本于金匱胃痺人參湯之意。卷傷寒結胸法。凡病傷寒結胸。其中有中氣虛弱。不堪攻擊。內消者。須以此法外卷之。則滯行邪散。其效如神。此味加倍。如無以子代之。葱白頭。生薑。生蘿蔔。其右用葱薑各數兩。蘿蔔倍之。共搗一處炒熟。用手巾。或白布。包作大餅。覆胸前脹痛處。此藥須分二包。冷則輪換卷之。無不即時開通。汗出而愈。但不宜太熱。恐炮烙難受也。景岳○證易寒黃要卷八

盧子繇言。藏結舌上胎白滑。滑者。純陰之極。不可攻也。蓋舌乃心之苗。紅赤是正氣。胎白而滑。如物入水中。色剝而白也。按藏結一證。昔人以仲景言舌上白胎滑者難治。又謂不可攻。復云此名藏結死。遂至置而不講。殊不知仲景所謂舌白胎滑者。以其仍有熱邪內結。所以生胎。若無邪結。則胎不生矣。只因裏氣素虛。不能蒸熟。故見陽證。發見舌胎。亦不得乾燥。以其本虛邪結。故為難治。非真不治也。謂不可攻者。以其飲食如故。知邪不在胃也。時時自利。其腸中亦無雷結也。邪既不結於腸胃。攻之無益。徒伐元氣耳。至於素有痞積。又加邪結。新舊兩邪相搏不解。故死。雖然。未可概為死證。而委之不救也。喻嘉言曾舉黃連

湯。余嘗用連理湯治之。亦有能食自利。腹脹急者。用備急丸。有腹痛引脇下。不可按者。用附子瀉心湯。有素有痞積。痛引陰筋者。用四逆湯。加萸桂等。往往獲效。貴在臨證治法耳。緒論○此說未確。姑存之。石室祕錄。藏結。小腹與臍傍牽痛。以至前陰。治方。用人參。白朮。甘草。附子。當歸。肉桂。煎服。名散結救藏湯。  
發斑。沈氏曰。仲景傷寒論。無發斑明文。而傷寒發斑。症極多。歷代言及斑症者。皆據金匱陽毒云云。  
夫熱病在表。或未發汗。或傷寒候補。已發未解。或吐下後。而熱毒氣不散。煩躁謬言語。此為表虛裏實。熱氣躁於外。故身體發斑如錦文。凡發斑不可用發表藥。令瘡開泄。更增斑爛。表虛故也。巢源  
發斑者。下之太早。熱氣乘虛故也。下之太遲。熱雷胃中。亦發斑。

傷寒續要卷八  
辨發斑

傷寒論要卷八

七

華佗

服熱藥過多亦發斑微者赤斑出五死一生劇者黑斑出十死  
 一生。活人注○此說趙嗣真引王仲弓仲弓即王寔也趙言出  
 準繩又千金華佗云若熱毒在外未入於胃而先下之者  
 其熱乘虛入胃即爛胃也云其熱微者赤斑出此候五  
 死一生劇者黑斑出者此候十死一生即此說所本

傷寒發斑有三。一曰下之太早。二曰下之太遲。三曰已是熱症  
 投熱藥三者皆能令人發斑。故下之太早熱氣乘虛入胃薰灼  
 藏府熱無所出乃見于皮膚而為斑爛矣。下之太遲者熱留胃  
 中伏熱不得伸越內則腐爛胃腑外則發而為斑矣。病是熱症  
 悞投熱藥者是以熱濟熱如抱薪救火致熱延燎故發而為斑  
 矣。夫下者通之熱在內者清之散之然今之發斑皆曰斑者非  
 斑也乃疹也疹之越亦若斑之狀小者如粒大者似指皆有頭

而不平者是也。若斑之起或如人面如手掌如雲片之狀皆平  
 而無頭者是也。故疹則熱淺易治斑則熱深而難治也。五法  
 病證屬陽誤投溫藥或當汗不汗或當下不下或汗下未解陽  
 熱內然蒸滲外迫熱毒入胃皆致發斑蓋熱必傷血血熱不散  
 裏實表虛由是熱氣乘虛出於皮膚輕則如疹子重則如錦紋  
 是爾。斑家謹勿發汗汗之重令開泄瘡爛又如多也。凡斑略見  
 一二須早圖之日子稍延獨陽絕陰不可救藥其發黑斑者熱  
 劇胃爛無及矣。然而斑之方萌與蚊迹類焉又不可誤用藥也。  
 發斑多見於胃腹蚊迹多在手足之間。關前陽脉洪大病人昏  
 憤先紅後赤者斑也。陽脉不洪病人自靜先紅後黃者蚊也。發

傷寒論要卷八

八

華佗

傷寒發斑

傷寒發斑

斑屬陽。陽毒具而陰脉形。或大便自利。或佛鬱氣短。而燥糞久不得通。○六書。此下云。又如果實屬者。盧扁復生。莫施其巧。發斑通用升麻葛根湯。敗毒散。犀角地黄湯。熱多者。玄參升麻湯。加生薑。烏梅。有下證者。少與調胃承氣湯。孫兆用紫雪一劑。○活人云。或與者。與調胃承氣湯。證治論。用白虎加入參湯。發斑湯劑。須以紫草川芎為佐。血熱內結者。與小柴胡湯。發斑小點稀疎。色常鮮紅者。易治。或如錦紋。隱起餅搭者。難治。若初發色紅。漸次微黯。良久黯又轉甚。面色肌肉黧晦者。斷不可救。初發便如黑誌者。亦然。赤斑五死。一生。黑斑十死。凡內外熱熾。汗下不解。煩悶效嘔。足冷耳聾。便是發斑之證。

總括

傷寒發斑。先用紙然燈。照看病人面部。胸堂。四肢背心。有紅點起者。乃發斑也。大抵鮮紅起發者吉。雖大亦不妨。但忌稠密成片。紫赤者難治。雜黑者尤為難也。有來勢急者。發熱一二日便出斑。來勢緩者。發熱三四日而出也。凡斑既出。頗得脉洪數有力。身溫足暖者。易治。若脉沈小。足冷。元氣弱者。多難治。凡斑欲出未出之際。且與四味升麻湯。先透其毒。若脉弱者。倍加人參。食少大便不實者。倍加白朮。主之。若斑已出。則不宜再升發也。又不可發汗。汗之更增斑爛。又不宜早下之。則斑毒內陷也。如脉洪數。熱盛煩渴者。以人參化斑湯主之。若消斑毒。或以犀角玄參湯。大青四物湯之類。如熱毒內甚。心煩不得眠。錯語呻吟。

傷寒發斑

傷寒發斑

者以黃連解毒湯加升麻玄參太青犀角之類主之熱甚煩渴  
喘欬者解毒合化斑湯主之若斑勢稍退內實不大便秘語有  
潮熱者大柴胡湯加芒消或調胃承氣湯下之曾治一人傷寒  
發斑四肢強鞭昏沈譫語不知人太便四五日不通以調胃承  
氣湯下而愈如未可下有潮熱煩渴者且與小柴胡湯去半  
夏加黃連山梔黃檗括蕒根主之或加大青亦佳如無以太藍  
葉代之或真青黛代之亦可大抵解胃熱胃爛之毒必以黃連  
大青犀角玄參升麻青黛石膏知母黃芩山梔黃檗之類要在  
審察病情合宜而用之矣或凡斑已出未出之時切不可便投  
寒涼之藥以攻其熱并飲凉水等物恐傷胃氣作嘔吐也凡

治斑不可專以斑治必察脈之浮沈病之虛實而治之則為善

治斑也證類要○紫原分傷寒時氣溫毒陽毒內傷寒陰證六

發斑證輕則如疹子重則如錦紋其致此之由雖分數種然總

由寒毒不解而然如當汗不汗則表邪不解當下不下則裏邪

不解當清不消則更盛不解○瘟疫論類編此下云有疫毒鍾厚而蓄毒不解者當補不

補則無力不解或下之太早則邪陷不解或以陽證誤用溫補

則陽亢不解或以陰證誤用寒涼則陰凝不解凡邪毒不解則

直入陰分鬱而成熱乃致液涸血枯斑見肌表此實毒邪固結

營衛俱劇之證也但斑有微甚勢有重輕輕者細如蚊迹或先

紅而後黃重者成粒成片或先紅而後赤輕者只在四肢重者

傷寒類書卷之八  
斑疹  
傷寒類書卷之八  
斑疹

乃見胸腹。輕者色淡而隱。重者色紫而顯。若見黑斑。或大便自利。或短氣。或二便不通。則十死九矣。凡病傷寒。而汗下溫清。俱不能解。及足冷耳聾。煩悶欬嘔者。便是發斑之候。景岳邪雷血分。裏氣壅閉。則伏邪不得外透而為斑。若下之。內壅一通。則衛氣亦從而疏暢。或出表為斑。則毒邪亦從而外解矣。若下後斑漸出。不可更大下。設有下證。少與承氣。緩緩下之。若復大下。中氣不振。斑毒內陷。則危。宜托裏舉斑湯。溫疫論凡癰疹初見。須用紙捻。照着胸背兩脇。點大而在皮膚之上者。為斑。或雲頭隱隱。或瑣碎小粒者。為疹。又宜見而不宜多見。按方書謂。斑色紅者屬胃熱。紫者熱極。黑者胃爛。然亦必看外症

所合。方可斷之。春夏之間。溼病俱發。癰疹甚如淡紅色。四肢清。口不甚渴。脉不洪數。此非虛斑。即陰斑。或胸微見數點。面赤足冷。或下利清穀。此陰盛格陽於上。當溫之。若斑色紫而點小者。心胞熱也。點大而紫。胃中熱也。斑黑而光亮者。熱毒極熾。雖屬不治。然其人氣血充者。依法治之。或有可救。若黑而晦者。必死。黑而隱隱。四旁赤色者。乃火鬱內伏。大用清涼透發。間有轉紅而可救者。又有夾斑帶疹。皆是邪之不一。各隨其部而泄。然斑屬血者恒多。疹屬氣者不少。斑疹皆是邪氣外露之象。發出之時。宜神情清爽。方為外解裏和。如斑疹出而昏者。此正不勝邪而內陷。或胃津內涸之故矣。吳醫彙講葉天士溫證論治

傷寒發斑

凡傷寒發斑。雖大約從頭面胸前起。但必手足背心。一齊透露為妙。凡有一處不透。毒必內陷。遂有棘手之虞。沈氏

升麻葛根湯

升麻 葛根 白芍藥 甘草 炙各一兩

右為鹿末。每服三錢。用水一盞半。煎至一中盞。去滓。稍熱服。

不拘時候。日二三服。和劑 治人。名升麻湯。○案此本千金小兒芍藥四物解肌

湯今去黃芩加甘草

玄參升麻湯。治傷寒發汗吐下後。毒氣不散。表虛裏實。熱發於

外。故身斑如錦紋。甚則煩躁譫語。兼治喉閉腫痛。

玄參 升麻 甘草 炙各半兩

右剉如麻豆大。每服抄五錢匕。以水一盞半。煎至七分。去滓

服。治人

陽毒升麻湯。治傷寒一二日。便成陽毒。或服藥吐下之後。變成

陽毒。腰背痛。煩悶不安。面赤狂言。或走或見鬼。或下利。脉浮

大數。面赤斑斑如錦紋。喉咽痛。唾膿血。○唾原作下。今改。

升麻 犀角屑 射干 黃芩 人參 各一分

甘草 一分

右剉如麻豆大。以水三升。煎取一升半。去滓。飲一湯盞。食頃

再服。溫覆。手足出汗。汗出則解。不解重作。治人 蘊要。犀角玄

參湯。治發斑毒盛。於本方。加黑玄參。

傷寒廣要卷八

七

律修堂成反

化斑湯治斑毒。○此三字從醫方類聚引錄

人參兩半石膏兩半萎蕤知母甘草各一分

右剉如麻豆大。每服抄五錢匕。水一盞半。入糯米一合。煎至

八分。取米熟為度。去滓溫服。治人書括○準繩趙嗣真亦引王仲弓云。

加人參湯別名也。發斑皆用白虎加人參湯一名化斑湯。

趙氏子病傷寒餘十日。身熱而人靜。兩手脉盡伏。俚醫以為死也。弗與藥。翁診之。三部舉按皆無。其舌胎滑而兩頰赤如火。語言不亂。因告之曰。此子必大發赤斑。周身如錦文。夫脉血之波瀾也。今血為邪熱所搏。淖而為斑。外見於皮膚。呼吸之氣無形可依。猶溝隧之無水。雖有風不能成波瀾。斑消則脉出矣。乃揭

其衾。而赤斑爛然。即用白虎加人參湯化其斑。脉乃復常。繼投

承氣下之。瘡發斑無脉。長沙所未論。翁蓋以意消息耳。醫史滄洲翁傳

全本然病傷寒旬日。邪入於陽明。俚醫以津液外出。為脉虛自

汗。進玄武湯以實之。遂致神昏如熟睡。其家邀翁問死期。翁切

其脉。皆伏不見。而肌熱灼指。即告其季曰。此必營血致斑。而脉

伏。非陽病見陰脉比也。見斑則應候。否則蓄血爾。乃去衾。視

其隱處及小腹。果見赤斑。臍下石堅。且拒痛。為作化斑湯。繼進

韓氏生地黄湯逐其血。是夕下黑矢若干枚。即斑消脉出。後三

日又腹痛。遂用桃核承氣以攻之。所下復如前。乃愈。同上

治傷寒熱毒不解。欲變成斑。解毒升麻散方。

傷寒論卷之八

川升麻 兩一 梔子人 兩一 大青 兩一 黃芩 兩一 甘草 兩一

石膏 兩二 又石膏 兩二

右件藥。搗鹿羅為散。每服五錢。以水一中盞。入生地黄汁半

其合。煎至六分。去滓。不計時候溫服。聖惠

治傷寒臟腑壅毒。不得宣疎。肌膚發斑。宜服此方。

犀角屑 兩一 川大黃 兩二 梔子人 兩半 藍葉 兩一

川升麻 兩一 甘草 兩半

全右件藥。搗篩為散。每服五錢。以水一大盞。煎至五分。去滓。不

計時候溫服。聖惠 又治傷寒黑斑出不止方。於本方。去藍葉。

其甘草。加黃芩。川芎消。搗細羅為散。每服不計時候。煎甘豆湯。

救冷。調二錢服。

治傷寒十日內未得汗。表裏有熱。發斑。狂言欲走。眼目俱黃。心

中煩悶。大便秘利。宜服黃芩散方。

黃芩 兩一 大青 兩一 梔子人 兩半 川升麻 兩一

川大黃 兩一 黃連 兩一 茵陳 兩一 甘草 兩半 川朴消 兩一

右件藥。搗篩為散。每服五錢。以水一大盞。入竹葉三七片。煎

至五分。去滓。不計時候溫服。以利為度。聖惠

治傷寒斑毒不解。宜服黃連散方。

黃連 兩一 犀角屑 兩半 石膏 兩二 梔子人 兩一 甘草 兩半

黃明膠 兩半

傷寒黃連散方

傷寒論卷之八

傷寒論卷之八

右件藥。擣鹿羅為散。每服四錢。以水一中盞。煎至六分。去滓。不計時候溫服。聖惠

三黃石膏湯。治陽毒發斑。身黃如塗朱。眼珠如火。狂叫欲走。六脉洪大。燥渴欲死。鼻乾面赤齒黃。過經不解。已成壞證。表裏皆熱。欲發其汗。病熱不退。又復下之。大便遂頻。小便不利。亦有錯治溫證。而成此症者。又八九日。已經汗下後。脉洪數。身壯熱。拘急沈重。欲治其內。由表未解。欲發其表。則裏證又急。趁起不能。措手待斃而已。殊不知熱在三焦。閉塞經絡。津液營衛不通。遂成此證。又治汗下後。三焦生熱。脉洪。譫語不休。晝夜喘息。鼻時加衄。身目俱黃。狂叫欲走者。通用此湯。治之。

有神人所不識。

石膏一兩 黃芩 黃連 大黃 礬各七錢 山梔三十箇

麻黃 香豉二合

水二鍾。薑三片。棗一枚。槌法。入細茶一撮。煎之。熱服。六書○

深師石膏湯。既錄出太陽病中。 蘊要。加減三黃石膏湯。治陽毒熱病。發斑

不得汗。熱甚者。於本方。去山梔。加知母。甘草。升麻。葛根。赤芍藥。入葱白二莖。生薑三片。粳米一撮。煎。

三黃巨勝湯。治陽毒發斑。狂亂妄言。大渴叫喊。目赤脉數。大便燥實不通。上氣喘急。舌卷囊縮。難治者。權以此湯劫之。三黃石膏湯內。去麻黃。豆豉。加大黃。芒消。是也。

傷寒論卷之八

七

傷寒論卷之八

傷寒論要卷八

傷寒論要卷八

水二鍾。薑一片。棗二枚。煎之。槌法。臨服。入泥漿清水二匙調服。即愈。六書

消斑青黛飲。治熱邪傳裏。裏實表虛。血熱不散。熱氣聚於皮膚。而為斑也。二

黃連。甘草。石膏。知母。柴胡。玄參。生地黃。山梔。犀角。青黛。人參。大便實者。去人參。加大黃。

右水二鍾。薑一片。棗二枚。煎之。槌法。臨服。入苦酒一匙調服。六書

犀角大青湯。治斑出已盛。心煩大熱。錯語呻吟不得眠。或咽痛不利者。

犀角屑上。大青上。玄參中。甘草下。升麻中。

黃連中。黃芩中。黃檗中。山梔子中。

托裏舉斑湯

白芍各一錢。當歸各一錢。升麻五分。白芷各七。柴胡各七。

川山甲二錢。炙黃二錢。

水薑煎服。下後斑漸出。復大下。斑毒復隱。反加循衣摸床。撮空理線。脉漸微者。危。本方加人參一錢。補不及者死。若未下。而先發斑者。設有下證。少與承氣。須從緩。溫疫論。以上陽證。陰證發斑。亦出胃背。又出手足。亦稀少而微紅。若作熱疾。投之。

傷寒論要卷八

傷寒論卷八

傷寒論卷八

涼藥大悞矣。此無根失守之火。聚於胃中。上獨熏肺。傳於皮膚。而為癰點。但如蚊蚋蚤虱咬形狀。而非錦文也。調中溫胃。加以茵香芍藥。以大建中之類。其火自下。癰自退。可謂治本而不治標也。陰證畧例。案蓋要所引。其文頗異。恐出臆改。云陰證發斑。亦出胃背手足。但稀少而淡紅也。此人元氣素虛。或先因慾事。內損腎氣。或誤服涼藥太過。遂成陰證。伏寒于下。逼其無根失守之火。聚于胃中。上獨熏肺。傳於皮膚。而發斑點。但如蚊蚋蚤虱咬痕。然非大紅點也。與調中溫胃。加以茵香芍藥。而藥主之。寒甚脈微者。以大建中主之。則真陽自回。陰火自降。而病乃愈。此治本不治標也。

侯輔之病。脈極沈細。內寒外熱。肩背胸脇。癰出十數點。語言作亂。或曰發癰譫語。非熱乎。余曰非也。陽為陰逼。上入于肺。傳之皮毛。故癰出。神不守舍。故錯語如狂。非譫語也。肌表雖熱。以手

按之。須臾冷透如冰。與薑附等藥數日。約二十餘兩。後中大汗而愈。後因更發。脈又沈遲。三四日不大便。余與理中丸。三日內約半斤。其疾全愈。侯公之狂。非陽狂之狂。乃失神之狂。乃陰虛也。同上

凡本非陽證。妄用寒涼者。每令人泄瀉。邪陷不解。予常用大溫中飲。理陰煎之類。解寒托邪。始得大汗。汗後邪達。多有見赤斑風餅。隨汗而出。隨出隨沒。頃刻即愈。活者多人矣。凡寒毒為斑。即此可見。使內托無力。則此毒終無出期。日深日甚。難乎免矣。此理甚微。不可不察。景岳○案此似非必謂陰斑。姑錄于茲。發斑陰證。治用大建中湯。

傷寒論卷八

傷寒論

傷寒論

傷寒傳變發黃者四。有畜血發黃。有風溼發黃。有溼熱發黃。有

桂心 芍藥 黃芪 各二錢 人參 當歸 甘草 各一錢

附子 兩 炮 半 生薑 五錢 半夏 二錢

右九味。剉。每服酌量多少。水二觔。棗二枚。煎八分。去粗溫服。

實鑑補遺○紫略例不見大建中湯方。此方更有主療。正與上證同。知好古所用矣。蘊要所載。品味重複。似意改者。仍不

錄。又案此方。本出外臺。虛勞裏急中。引深師。

通脈四逆湯。治陰證發斑。身冷無脈。斑黑昏沈。厥逆不知人事者。宜服之。

乾薑 一錢 附子 五錢 炙甘草 一錢 人參 二錢

而右作一服。水二鍾。煎至一鍾。入童子小便。猪膽汁。各一小盞

內半盞。再煎二三沸。去粗溫服之。如乾嘔燥煩。欲冷水者。以

此湯於冷水中投冷。與之則愈。蘊要○以上陰證

附白瘡

瘡。有初病即見者。有見而即愈者。有見而危殆者。有病經日久。

癰疹已見。補瀉已施之後。仍然發此而愈者。泛稱時氣所致。殊

不知致病之由。既異。治療之法不同。不可不與癰疹詳辨而審

處之也。蓋溫熱暑邪病中。有此症者。必兼溼為多。吳醫彙講○

亦論之。案此不過疹之一證。兼溼者實多見之。然治其本證。而自愈矣。

發黃

傷寒傳變發黃者四。有畜血發黃。有風溼發黃。有溼熱發黃。有

傷寒傳變發黃者四。有畜血發黃。有風溼發黃。有溼熱發黃。有

傷寒論卷八  
陽明病發熱者  
身熱大發黃者  
治用仲景梔子  
檉皮湯加茵陳  
實

寒溼發黃。大抵發黃。多從陽明太陰。脾胃屬土。故色黃。土勝則

尅水。使小便不利。溼熱內變。故令發黃。陽明者。茵陳蒿湯。兼太

陽者。麻黃連翹赤小豆湯。兼少陽。梔子檉皮湯。雲岐子保命。原文稍錄。且風

溼。作結胃。攷雲岐子。又論發黃。有六。今互酌。以致刪訂。

凡傷寒汗不能透。風溼在表者。有黃證。或表邪不解。自表傳裏。

而溼熱鬱於陽明者。亦有黃證。表邪未解者。必發熱身痛。脉浮

少汗。宜從汗散。溼熱內鬱者。必煩熱。脉緩滑。多汗。宜從分消清

利。若陽明實邪內鬱。而痞結脹滿者。宜先下之。然後清其餘熱。

則自無不愈。景岳

大抵發黃。則盩麴相似。溼熱瘀熱者。則多有之。陰黃則間有之。

也。溫要。案發黃如金。類相似。本出丹溪。

溼家之黃也。身黃如似熏黃。雖黃而色暗不明也。至於熱盛之

黃也。必身黃如橘子色。甚者。勃勃出洙。著衣正黃。明理。案溼家。謂寒溼家。

趙嗣真曰。明瘀熱發黃。與瘀血發黃。外證及脉。未嘗相似。瘀血

脉微而沈。或沈結。明醫指掌。云。脉或沈澀。瘀熱。脉則浮滑緊數。此脉狀之

不相似也。選錄。以上總證。

太陽發汗已不解。身目黃者。中溼身痛發黃者。用麻黃赤小豆

湯。會解。案中溼。用此方。本出黃氏類證。又方中梓白皮。必讀代以桑白皮。今用為便。

身熱。大小便如常。而發黃者。治用仲景梔子檉皮湯。加茵陳。實

遺補  
傷寒論卷八  
身熱大發黃者  
治用仲景梔子  
檉皮湯加茵陳  
實

傷寒論卷八  
身熱大發黃者  
治用仲景梔子  
檉皮湯加茵陳  
實

柴胡加山梔子湯治發黃脉弦數口苦胃滿心煩發熱或往來  
寒熱日晡小有潮熱或耳聾脇痛者  
於小柴胡方中加山梔子茵陳蒿  
去入參大棗加茵陳梔子大便秘加大黃  
甲申仲夏內弟陳克輝患感冒頭痛發熱一老醫用羌活湯入  
麻黃撮許投三劑越數日發黃目睛皆黃小便亦赤澀不堪余  
投以茵陳五苓散加梔藥至十劑始痊  
論校正

佛鬱熱盛在表燥而無汗溼熱在裏不能發於外相搏遂成發  
黃茵陳湯調五苓散甚者茵陳合承氣下之  
石代之大黃  
消石湯可微

茵陳將軍湯治腹滿身目發黃小水不利大便實發渴或頭汗  
至頸節還脉來沈重者宜用  
大黃茵陳山梔甘草厚朴黃芩枳實  
水二鍾薑一片槌法加燈心一握煎之熱服  
治時氣五六日壯熱骨節煩疼連心兩肋氣脹急硬痛不能食  
變為黃宜服柴胡散方

柴胡一兩 枳實一兩 蘘蘘根一兩 黃芩一兩 梔子人一兩  
茵陳一兩 龍膽一兩 川大黃一兩 甘草半兩

右件藥搗篩為散每服五錢以水一大盞煎至五分去滓不  
計時候溫服

聖惠○案此本千金治發黃身面目俱黃  
如金色方今去升麻加枳實蘘蘘根甘草

易表黃要卷八

治傷寒發黃。或先服利藥未差者。宜以內消湯。以折熱氣。黃芩湯方。

黃芩去黑心

茵陳蒿

升麻

梔子

柴胡去苗

龍膽各半

犀角兩

黃芩

梔子

柴胡

右七味。鹿搗羅。每服五錢匕。用水一盞半。煎至一盞。去滓。入

生地黄汁一合。攪令勻。不拘時溫服。

聖濟○以上陽證

以

韓祗和云。病人三五日。服下藥太過。虛其脾胃。亡其津液。渴飲水漿。脾土為陰。溼加之。與邪熱相會發黃。此陰黃也。當以溫藥治之。如兩手脉沈細遲。肢體逆冷。皮膚有粟起。或嘔吐。舌上有胎。遍身發黃。煩躁欲於泥水中卧。小便赤少。皆陰候也。故陰黃

多以熱湯溫之。或湯漬布。搭其胃腹。或以湯盛瓢中。坐於臍下熨之。其病愈者。曾治趙顯宗病傷寒。至六七日。因服下藥太過。致發黃。其脉沈細遲無力。皮膚涼。發躁欲於泥中卧。喘嘔。小便赤澀。先投茵陳橘皮湯。喘嘔止。次服小茵陳湯半劑。脉微出。不欲於泥中卧。次日又服茵陳附子湯半劑。四肢發熱。小便二三升。當日中大汗而愈。似此治愈者。不一一錄。王機

茵陳

橘皮

生薑

各一兩

白朮

半夏

茯苓

各半兩

右為末。水四升。煮取二升。放溫。分作四服。玉機○案此即金匱小半夏湯之意。

小茵陳湯。治發黃。脉沈細遲。四肢及遍身冷。

附子一個 甘草兩 茵陳兩

右為粗末。用水二升。煮一升。溫作三服。機玉 又茵陳四逆湯。

治發黃。脉沈細遲。肢體逆冷。腰已上自汗。於本方。加乾薑。炮。

一兩半。分作四貼。水煎服。又茵陳附子湯。治服四逆湯。身

冷汗不止者。於本方。去甘草。加乾薑。炮。二兩半。附子二個。茵

陳一兩半。

茵陳茱萸湯。治服茵陳附子湯。證未退。及脉伏者。

吳茱萸一兩 當歸三分 附子二箇。各切 木通一兩

乾薑炮 茵陳各一兩半

右為粗末。分作二服。水煎。玉機○案以上並係韓氏方。

至元丙寅六月。時雨霖霪。人多病瘟疫。真定韓君祥。因勞役過度。涼飲涼茶。及食冷物。遂病頭痛。肢節亦疼。身體沈重。胃滿不食。自以為外感傷。用通聖散。兩服藥後。漆身體困甚。方命醫治之。醫以百解散發其汗。越四日。以小柴胡湯二服。後加煩熱躁渴。又六日。以三一承氣湯下之。躁渴尤甚。又投白虎加人參。柴胡飲子之類。病愈增。又易醫。用黃連解毒湯。硃砂膏。至寶丹之類。至十七日後。病勢轉增。傳變。身目俱黃。肢體沈重。背惡寒。皮膚冷。心下痞硬。按之而痛。眼澀不欲開。目睛不了了。懶言語。自汗。小便利。大便秘了而不了。命予治之。診其脉緊細。按之虛空。兩

寸脉短不及本位。此證得之因時熱而多飲冷。加以寒涼藥過度。助水乘心。反來侮土。先因其母。後薄其子。經云。薄所不勝。乘所勝也。時值霖雨。乃寒溼相合。此為陰證發黃。明也。予以茵陳附子乾薑湯主之。內經云。寒淫於內。治以甘熱。佐以苦辛。溼淫所勝。平以苦熱。以淡滲之。以苦燥之。附子。乾薑。辛甘大熱。散其中寒。故以為主。半夏。草薺。薤。辛熱。白朮。陳皮。苦甘溫。健脾燥溼。故以為臣。生薑。辛溫。以散之。澤瀉。甘平。以滲之。枳實。苦微寒。泄其痞滿。茵陳。苦微寒。其氣輕浮。佐以薑附。能去膏腴間寒溼。而退其黃。故為佐使也。煎服一兩。前證減半。再服悉去。又與理中湯。服之數日。氣得平復。或者難曰。發黃皆以為熱。今暑隆盛之

時。又以熱藥治之。何也。予曰。理所當然。不得不然。成無己云。陰證有二。一者。始外傷寒邪。陰經受之。或因食冷物。傷太陰經也。二者。始得陽證。以寒治之。寒涼過度。變陽為陰也。今君祥因天令暑熱。冷物傷脾。過服寒涼。陰氣大勝。陽氣欲絕。加以陰雨寒溼相合。發而為黃也。仲景所謂。當於寒溼中求之。李思順云。解之而寒涼過劑。瀉之而逐寇傷君。正以此也。聖賢之訓。豈敢越哉。或者曰。潔古之學。有自來矣。寶鑑

茵陳附子乾薑湯。治因涼藥過劑。變為陰證。身目俱黃。四肢皮膚冷。心下痞。腹眼澀。不欲開。自利。蹠卧。

附子 炮去皮 三錢 乾薑 炮 二錢 茵陳 一分 白朮 四分

傷寒黃要卷八

草荳蔻

麩裏煨一錢

白茯苓

去皮三分

枳實

炒

半夏

湯泡七次

澤瀉

各半錢

陳皮

去白三分

茵陳理中湯。治陰寒發黃。腹痛自利者。茵陳一錢。主之。若小便利。加五苓散。合而用之。

右拾味。咬咀。為一服。水一錢半。生薑五片。煎至一錢。去粗涼。

服。不拘時服。寶鑑

茵陳理中湯。治陰寒發黃。腹痛自利者。茵陳一錢。主之。若小便利。加五苓散。合而用之。

脈沈寒甚足冷者。必加附子半個。主之。蘊要○案理中加茵陳。本出畧例。

水溼傷脾。脾寒色見于外。為陰黃。脈沈身冷。是久兩體弱有之。

四苓散。加炮薑。茵陳。重者。加附子。從陰證治。六要

內傷感寒。勞役形體。飲食失節。中洲變寒之病。生黃。非傷寒壞。

之而得之。只得建中。理中。大建中。足矣。不必用茵陳也。畧例○

一說仍存于茲。以上陰證。

傷寒熱毒在胃。併於心藏。使神不寧。而志不定。遂發狂也。傷寒

至於發狂。為邪熱至極也。非大吐下。則不能已。又有熱在下焦。

其人如狂者。經曰。熱入胸臆。其人如狂。謂之如狂。則未至於狂。

但卧起不安爾。其或狂言。目反直視。又為腎之絕。汗出輒復熱。

狂言不能食。又為失志。死。若此。則殆非藥石之所及。殆為真病

焉。明理○緒論云。陽狂直視。便溺自遺。與汗後大熱。脈躁狂言不食。皆不治。

大抵發狂之症。要手足和暖。神氣清爽。脈息洪大。目睛光彩。此

傷寒黃要卷八

傷寒黃要卷八

為順。可治。若見反目上視。汗出復熱。四肢厥冷。六脈沈微。此為逆。必死候也。明條

若初起頭疼。發熱惡寒。方除已後。登高而歌。棄衣而走。踰垣上屋。罵詈叫喊。大渴欲死。脈來有力。乃因邪熱傳裏。陽盛發狂。當

用寒藥下之。此為陽狂。凡見舌卷囊縮者。不治。若病起無頭疼。身微熱。面赤戴陽。煩躁。脈來沈微無力。欲坐卧於泥水中。乃因

寒極而發躁。○錦囊此下云。指甲面顏青黑。冷汗不止。心腹鞭結如石。燥渴欲死。即陰證似陽。當用熱藥溫之。此為陰躁。凡見厥冷下利。謔語者。不治。醫者不

看脈。以虛陽上膈而躁。誤為實熱。反與涼藥。使渴盛躁急。則氣消成大害矣。須詳脈來有力無力。此為良法。六書

陽盛發狂者。內經曰。陽盛則四肢實。實則能登高也。熱盛於身。則棄衣而走。難經所謂。重陽者狂也。大抵熱盛則神昏。狂妄罵詈。不避親疎。甚則踰垣上屋。登高而歌。此神明之亂。水微暎其面。或以硝水法搭胸中。甚者。必以玄明粉寒水石散。先與之。以折其熱勢。取其稍定。乃可察脈。若脈之實大滑大。大便秘。臍腹滿。鞭者。急以大承氣湯。倍加芒消下之。如勢輕。未可大攻者。且以小柴胡合白虎湯。或白虎合解毒湯。三黃瀉心湯之類。可選而用之。○如勢輕以下。原文不確。今參吳氏全論。以致改易。陰症煩躁。如發狂狀。非狂也。外臺祕要曰。陰極發躁。欲坐井中。欲投泥水中卧。或欲向陰涼處坐。躁亂不安。亦如狂也。但手足逆冷。脈息沈微細。雖

煩渴不能飲水者是也。甚者。金液丹之類救之。蓋不可一例以

陽治也。要蘊發狂。面赤脉實。治用調胃承氣湯。發狂而肌表雖或熱。

以手按之。則冷透手。或肩背胷膈有斑十數點。脉極沈細。治用

乾薑附子湯。加入參。寶鑑補遺

陽明病發狂。棄衣而走。登高而歌。此陽明實也。以承氣湯亟下

之。如便不結者。大劑白虎湯灌之。廣筆記

傷寒六七日。壯熱胸滿便閉。脉實數發狂者。大承氣。加黃連。門

有陽厥暴怒發狂者。蓋陽氣暴折。鬱而多怒。則發狂也。大承氣。

加鐵落。緒論

治傷寒後。餘熱不退。口乾煩躁。宜服黃芩圓方。

黃芩一兩 梔子一兩 川大黃一兩 鐵粉一兩 甘草半兩

右件藥。搗羅為末。鍊蜜和圓。如梧桐子大。不計時候。以溫水

下二十圓。聖惠○案主治又治時氣熱毒在藏。謔語口乾。

犀角圓。於本方。去黃芩。加犀角屑。馬牙消。各一兩。以溫竹葉

湯。下三十圓。

紅白散。專治大煩大熱。晝夜不退。神思昏迷。口乾舌燥。一切熱

症。併瘟疫時症。並宜。

人中白錢 玄明粉錢 辰砂錢 五

共為末。白沸湯。或金銀煎湯下。壽世仙丹 說疫。玄砂丹。治發狂。

湯。下三十圓。

湯。下三十圓。



於本方去人中白共末冷水服

定心湯治心荒

生地黄汁半盞童便半盞二味合和重湯煮數沸溫服醫鑑

治傷寒熱極發狂不認親疎燥熱之極長垣成

用熊膽一分研末凉水調服立效壽世保元

一書生傷寒不汗發狂循河走葛乾孫就碎置水中良久出之

裹以重繭乃汗而解醫史○案醫約載陽狂似陰先與水一小

中倒卧而解又蘊要硝水漬法以朴消和

新汲水青布浸搭背心如得睡汗出乃愈

從祖近湖公少年因房勞食天肉傷寒諸醫以其虛也攻補兼

施至發狂登屋奔走呼號日夜令壯夫看守者幾月餘急走使

延朱遠齋遠齋先命煎人參膏二觔以待用潤字號丸藥數錢

下之去黑糞無算勢遂定奄奄一息隣於死矣徐以參膏灌之

至百二十日全瘳廣筆記○潤字號丸藥無效

### 金液丹

硫黃揀淨去砂石十兩研細飛過用甕合子盛以水和赤

石脂封口以鹽泥固濟乾地內先埋一小罐子盛

水令滿安合子在上用泥固濟訖慢火養七日七

夜候足加頂火一斤煨候冷取出研為極細末

右藥末一兩用蒸餅一兩湯浸握去水搜為圓如梧桐子大

每服三十圓多至百圓溫米飲下空心服之和劑○案此方

又治傷寒陰證然恐非所宜但蘊



以半表半裏證。多云嘔也。嘔家之為病。氣逆者。必散之。痰飲者。必下之。千金曰。嘔家多服生薑。此是嘔家聖藥。是要散其逆氣也。金匱要略曰。嘔家用半夏。以去其水。水去嘔則止。是要下其痰飲也。嘔多。雖有陽明證。不可攻者。謂其氣逆而未收斂為實也。其嘔而脈弱。小便復利。身有微熱。見厥者。已為難治。蓋謂其虛寒之甚也。醫者必審其邪氣之虛實。疾證之逆順。為施藥圓治則當矣。明理○此係節錄案總括亦辨生薑半夏云嘔有熱有寒生薑於寒證最便

徐進解太陽經藥

大凡得之太陽而嘔者。必是合病。嘔乃病

若太陽不與少陽陽明合病。而獨見太陽證。或吐瀉者。○此句恐為

漸入內。非正太陽也。曾記有人初得病。太陽證有嘔吐。不住藥

投。暖劑莫能治之。知太陽已汗解。固當用冷劑。是太陽見嘔。非

合陽明。則合少陽。其嘔屬熱。用暖劑非矣。曾見太陽證太嘔。因嘔吐藥。只解表有除

又記有人初病。具太陽證而嘔。一家少長。患狀悉類。與養胃

湯八服。無不立效。此時行之氣。適然如此。是為傷寒雜病。又非

可以正經傷寒律之。訣要

凡嘔而不止者。藥內必少加生薑汁一二匙。服之最效。凡服藥

宜徐徐呷下。不可急也。要

范汪方。治傷寒五六日。嘔而利者。黃芩湯方。

- 黃芩三兩
- 半夏半升
- 人參二兩
- 桂心二兩
- 干薑三兩

傷寒黃蘗湯

大棗 十二

凡六物。水七升。煮得二升。分再服。醫心方○案此方既出金匱附方中。據外臺本是仲

方景

友人王曉同寓雲中。一僕十九歲。患傷寒。發熱。飲食下咽。少頃

盡吐。喜飲涼水。入咽亦吐。號叫不定。脉洪大浮滑。此水逆證。江

應宿投五苓散而愈。類案

治傷寒嘔噦。心下悸動。胸膈有滯水。往往頭眩。茯苓半夏湯方。

赤茯苓

去黑皮。二兩。

半夏

湯洗七遍。炒乾。三兩。

陳橘皮

湯浸。去白。焙。一兩。

右三味。麴搗篩。每服五錢匕。水一盞半。入生薑一分拍碎。同

煎至七分。去滓溫服。晚再服。聖濟○案此即二陳湯去甘草。

大汗下後。惡寒厥逆。水藥不得入口。身痛自利。真武湯加半夏。

下黑錫丹與太陽病發汗後水逆之五苓散證不同。嘔吐煩

渴者。白虎湯。緒論

曾氏家學。治吐逆。大小便不通。厥逆無脉。大承氣下之愈。治例○案

此本出本草衍義云。此開格之病。極難治。

蘆根飲子。治傷寒後嘔噦反胃。及乾嘔不下食方。

生蘆根

切

青竹茹

各一升

粳米

三合

生薑

三兩

右四味。以水七升。先煮千里鞋底三隻。取五升。澄清下藥。煮

取二升半。隨便飲。不差重作。取瘥。千金○案今用伏龍肝。以代鞋底為佳。聖

惠。治傷寒乾嘔不下食。於本方。加陳橘皮。不用鞋底。

傷寒黃蘗湯

三

傷寒黃蘗湯



食時厚藥

事

疫邪留於心胸。胃口熱甚。皆令嘔不止。下之嘔當去。今反嘔者。此屬胃氣虛寒。少進粥飲。便欲吞酸者。宜半夏藿香湯。一服嘔立止。穀食漸加。溫疫論

半夏藿香湯

半夏一分 真藿香一錢 乾薑炒一錢 白茯苓一錢

廣陳皮一錢 白朮炒一錢 甘草五錢

水薑煎服。溫疫論

本門方說其云效逆效噫吃忒者並係噦之謬稱

伏熱在胃。令人胸滿。則氣逆。氣逆則噦。若大下後。胃氣虛冷。亦令致噦也。巢源

吃忒。有因胃熱失下而作。有因胃中有痰飲而作。有因寒涼過多。中虛冷而作。且其氣皆從胃中起。至胸嗌之間。而為吃忒矣。易老治法。失下胃熱因實。大便鞭者。以承氣湯下之。便軟者。以瀉心湯主之。胃虛有熱者。橘皮竹茹湯主之。有痰飲者。半夏生薑湯主之。或茯苓半夏湯主之。若胃冷者。橘皮乾薑湯。加味理中湯主之。如冷極吃逆不止者。或灸期門。中脘。氣海。關元。亦佳。但要取手足溫暖。脉生。陽回陰退。則可生矣。蘊要○節錄案活灸之必愈其况似期門當效

易老治法 承氣湯 瀉心湯 半夏生薑湯 橘皮竹茹湯 橘皮乾薑湯 理中湯 茯苓半夏湯 承氣湯 瀉心湯 半夏生薑湯 橘皮竹茹湯 橘皮乾薑湯 理中湯 茯苓半夏湯

香粉帶散宜之。不若四逆湯功效殊捷。要之但治本證。呃自止。其他可以類推矣。溫疫論○類編云。抑帶治呃。寒熱藥中。俱可加入。猶茵陳之兼治陰黃陽黃也。不可不知。夫傷寒與痢疾。至發呃。病已篤矣。非大溫補不可。然而呃有虛呃。有實呃。有敗呃。虛者溫補之。敗呃死。實呃者。乃氣機不得流通。升降失其常度。氣反上衝。而兀兀有聲也。直解打呃一證。有虛寒。有實火。若胃實閉結。陽火上冲。而打呃者。真陰立盡之候也。法宜急下。以救其陰。若脾氣虛寒。健運無權。氣不調達。而打呃者。其勢緩。非死證。法宜溫中散逆。舒氏傷寒當下失下。胃火上冲而呃者。其證燥渴內熱。大便閉結。大柴胡湯下之。便不結。瀉心湯主之。三陰中寒。胃氣欲絕而呃者。

其證厥冷惡寒。下利清穀。附子理中湯。合丁香散溫之。呃止則吉。不止則凶也。悟心凡噦而二便不通者。屬實熱。厥逆自利。為虛寒。兼呃逆者。為停飲。○案此句。設非此三種。則為胃氣垂絕之候。多難治。若有疝意。不可忽也。有因誤服寒涼。或飲冷水。水停心下。胃中虛冷而作。脉必結代。當與溫中利水。此為夾水。勿疑代脉。為死證也。凡久病而見呃逆者。此真氣已衰。不治。呃逆脉散。舌短灰黑。反頭汗不得尿。與大便自利。而腹滿者。皆死。緒論  
○以上總證  
黃連解毒湯。白虎湯。傷寒熱症。醫者誤用薑桂等藥。助起

傷寒黃連解毒湯  
傷寒熱症醫者誤用薑桂等藥助起

火邪相搏而呃逆者。回春

三黃瀉心湯 小承氣湯 調胃承氣湯 並治實熱發呃。準

凡咳逆多有先熱而喫生冷。或涼藥多相激而成。蓋陰陽二氣

相搏。林人之僕。本發大熱。以涼藥下之。想大甚。效逆四五日。竟

至於服丁香柿蒂。而後却以小柴胡之屬。解其餘熱。遂愈。下後

蓋有身熱不解。治人○以上胃熱

若飲水過多。心下否而效逆者。五苓散主之。別無惡候。是也。畧

有旋復代赭湯證。其人或效逆氣虛者。先服四逆湯。胃寒者。先

服理中湯。次服旋復代赭湯。為良。治人○案噦有宜旋復代赭湯者。然不須先服他藥。

半夏生薑湯。治噦欲死。

生薑二兩 半夏一分

右以水二盞。煎至八分。去粗分二服。治人○案煎服法。當從金匱○以上停水

簡要濟衆。治傷寒咳噦不止。及噦逆不定。

香丁香一兩。乾柿蒂一兩。焙乾。搗羅為散。每服一錢。煎人參湯

下。無時服。證類 濟生。名柿蒂湯。每服四錢。水一盞半。薑五片。

煎至七分。去滓。熱服。不拘時服。中藏經。治傷寒咳逆噎汗。

於本方。加甘草。良薑。為末。用熱湯猛點。乘熱一服。效。○治人引名丁

香散。心悟同。以乾薑代良薑。

治傷寒後。嘔噦不下食方。

半夏一兩 草薢一兩 丁香半兩

去皮

右件藥。擣細羅為散。每服不計時候。以濃生薑湯調下一錢。  
聖惠○又治產後欬癆。丁香散於本方。去半夏。草薹加白  
 豆薹。伏龍肝。愚每治噦於套劑中。加伏龍肝。得效。因附之。  
 治傷寒嘔噦不止。柿蒂湯方。

乾柿蒂 七枚 白梅 三枚

右二味。鹿藹篩。只作一服。用水一盞。煎至半盞。去滓溫服。聖濟

吃逆。用乾柿蒂七枚。煎湯呷之。發厥厥冷。脉細氣短。即加白沈

香散。黑錫丹。極則臍心著灸。家實

傷寒後咳噫。肉豆蔻湯。

肉豆蔻 一個 石蓮肉 炒 茴香 各一分 丁香 半 生薑

人參 各二兩 杷葉 五片 去毛

咳咀。水三升。煎至一升半。分四服。空心煖飲之。總病

加味理中湯

即理中。加丁香一錢。橘紅二錢。半夏二錢。柿蒂炒五分。蘊要

加味附子湯

人參 二錢 白朮 二錢 白芍藥 炒一錢 白茯苓 二錢

附子 用半正大者一箇。生薑自然汁和麩包裹。於熟灰火中煨熟。去皮臍。切作八片用。

乾薑 炒二錢 肉桂 一錢 吳茱萸 一錢 茴香 炒一錢

沈香 一錢 丁香 一錢

右用水二鍾。煎至一鍾服。蘊要○聖濟人參湯。與此相類。錄  
 出病後虛弱中。當參○以上胃寒

自利 滯下 病後利

傷寒病。若表實裏虛。熱乘虛而入。攻於腸胃。則下黃赤汁。若溼毒氣盛。則腹痛壯熱。下膿血如魚腦。如爛肉汁。若寒毒入胃。則腹滿身熱。下清。巢源

自利者。有不經攻下。自然溇泄者。謂之自利也。傷寒自利多種。須知冷熱虛實。消息投湯。無致失差。雜病自利。多責為寒。傷寒下利。多由協熱。其與雜病。有以異也。表邪傳裏。裏虛協熱。則利不應下。而便攻之。內虛協熱。遂利。是皆協熱也。○案此云協熱者。本于傷寒例。乃指熱陷入裏而言。以下諸說皆為然。自利宜若可溫。理中白通。諸四逆輩。皆溫藏止利之劑。又有腸胃有積結。與下焦客邪。皆溫劑不能止之。必也。或攻泄之。或分利之。而後已。大抵下利。脫氣至急。五奪之

中。此為甚者。其或邪盛正虛。邪擁正氣。下脫。多下利而死。明理協熱利者。臍下必熱。大便赤黃色。及腸間津汁垢膩。謂之寒毒入胃。則臍下必寒。腹脹滿。大便或黃白。或青黑。或下利清穀。溼毒氣盛。則下利腹痛。大便如膿血。或如爛肉汁也。寒毒入胃者。四逆湯。理中湯。白通湯。加附子。四逆散。加薤白。主之。協熱利者。黃芩湯。白頭翁湯。三黃熟艾湯。薤白圓。赤石脂圓。溼毒下膿血者。地榆散。黃連阿膠散。治人○案黃連阿膠散。不是仲景方。寶鑑補遺。作仲景黃連阿膠湯。宜從。大抵陽熱之利。與陰寒之利。自不同。陽利。糞色必焦黃熱臭。出作聲。臍下必熱。得涼藥則止。得熱藥則愈增。陰利。必洞下清穀。糞色或白或淡黃。臍下多寒。宜溫中止瀉之劑。此之謂陰利。云

傷寒論卷之九  
辨陰陽利下  
辨陰陽利下  
辨陰陽利下

緣陰中亦有陽利。不可因下利便以為陰也。又有內不太滿。猶生寒熱。未可下而便下之。內虛熱入。挾熱自利。臍下必熱。大便赤黃色。及下腸間津汁垢膩。名曰利腸。○當作利腸。宜白頭翁湯。黃芩湯。身熱下利。皆屬陽經。然陰利有反發熱。或初病無熱。利後却熱。或初得病即身熱。繼而自利。寒既在裏為主。則陽氣必客於外。所以外反熱。○十八字。依發熱條補。又有大便秘五六日。以藥利之。利遂不止。用極熱劑方差。陽有利陰有祕。當更以他證別之。訣要

大便瀉利。小便清白不澀。完穀不化。其色不變。有如鶩溇。或下利腥穢。小便澄澈清冷。口無燥渴。其脉多沈或細。或遲或微。而

無力。或身雖發熱。手足逆冷。或惡寒踈臥。此皆屬寒也。凡熱症。則口中燥渴。小便或赤或黃。或澀而不利。且所下之物。皆如垢膩之狀。或黃或赤。所去皆熱臭氣。其脉多數。或浮或滑。或弦或大。或洪也。亦有邪熱不殺穀。其物不消化者。但脉數而熱也。口燥渴。小便赤黃。以此別之矣。蘊要

凡大柴胡湯。小承氣湯。大承氣湯。皆主下利之藥也。蓋傷寒內實。腹中有燥屎結滯。則稀糞水從溇。流下為利也。故其脉則滑數有力。或潮熱譫語。乃可下之。必再以手按臍腹。少腹鞭痛者。是也。三方俱為通因通用之法。妙在能識之矣。同上

手足厥冷惡寒。腹痛脉微欲絕。下利清穀之類。此固陰寒之甚

傷寒論要卷六  
者也。其於疑似之間。則猶有真辨。凡傷寒下利。由熱邪者。必有煩躁大熱。酷欲冷水等證。亦必有洪滑強盛數實等脉。如果表裏俱熱。方可作火證論治。若其脉雖數而無力。外雖身熱而不惡熱。內雖渴而不喜冷。此其內本不熱。而病為下利者。悉屬胃寒。瀉利亡津。無有不渴。但渴欲飲水。愈多愈快者。為陽證。若口雖欲水。而腹不欲飲者。即非陽證矣。此外如渴欲茶湯者。乃瀉渴之當然也。不得悉認為陽證。景岳  
傷寒熱甚。失於汗下。脣焦口燥。能飲水。大便秘艱。小便赤澀。時有稀糞水利出者。此內有燥屎結聚。乃旁漏之物。非冷利也。再審有屎氣極臭者。是也。其脉雖沈。切之必滑有力。或時躁熱。不

欲衣被。或揚手擲足。或詬語有力。此陽氣亢極。輕者。人參白虎湯。或小柴胡湯。合解毒湯。主之。內實者。須下之。有潮熱者。大柴

胡加芒消。西塘感症

下利。有利膿血者。有利稀溏糞者。有利清穀者。有利清水汁沫者。下清穀者。為虛為寒。下清水者。為實為熱。惟膿血稀糖汁沫。有寒有熱。有虛有實。有寒熱相半。虛實相兼。須要細察病源。用藥。方無有悞。若後重逼迫。解後仍不減。腹痛喜按。作嘔不食。心恍惚而煩。或動悸。或頭暈耳鳴。口淡燥而不欲飲。脉弦而大。或數而虛。現此脉證者。無論膿血稀糖汁沫。皆虛寒也。若腹痛後重。解後稍減。意欲暢解。而不得能食。食下即脹。腹中有塊。按之

傷寒廣要卷九

華佗醫方

痛。口苦舌乾。渴喜冷飲。或熱湯。病雖憊而神不減。或新病氣實。未經消導。即消導亦不甚多。脉滑而長。或緩而緊。反不數。無虛證。此實熱也。然亦有實寒者。又當臨時審證察脉而得之。書不能盡言也。直解○以  
脉浮表不解。自利。或小便不利者。五苓散。一切瀉痢間作。在苓甘露飲。溫溼內甚。而作痢者。黃連解毒湯。標本  
治傷寒吐熱頭痛。四肢煩疼。未經發汗。下之太早。遂令汗出。下痢不止。宜服阿膠散方。

阿膠一兩 黃連三分 葛根一兩 黃芩三分  
右件藥。搗鹿羅為散。每服三錢。以水一中盞。煎至六分。去滓。

不計時候溫服。聖惠

治傷寒吐下後。毒氣不解。致成下痢。是陰陽二氣未和。宜服黃

連散方。聖惠○案此係乾薑黃芩黃連人參湯仍不錄

崔氏療時行數日。而大下熱痢。時作白通諸藥。多不得止。吾思舊方。多療傷寒後下痢耳。未有尚在數日。便兼除熱止下者也。四順湯熱。白通苦溫。故吾思作此湯。以救數十人。兼主傷寒。黃連龍骨湯方。

黃連三兩止 黃檗三兩止 熟艾如雞子一枚  
龍骨二兩止 利除熱 利除熱 除熱毒止利

右四味。切。以水六升。煮取二升半。分三服。無不斷者。忌猪肉

傷寒廣要卷九 華佗醫方

傷寒論卷之九

冷水外臺。治人。三黃熟艾湯。於本方去龍骨。加黃芩。

集驗。療傷寒後下利膿血。藥皮湯方。

黃蘗二兩 黃連四兩 梔子十四枚 阿膠一兩

右四味。切。以水六升。煮三味。取二升。去滓。內膠。令烊。溫分再

服。忌猪肉冷水。范汪同。外臺。治人。黃連阿膠湯。治傷寒熱毒

入胃。下利膿血。即本方

治傷寒煩熱不解。下痢困篤。宜服大青散方。

大青一兩 甘草一兩 阿膠一兩 赤石脂一兩 梔子半兩

右件藥。搗篩為散。每服五錢。以水一大盞。入豉五十粒。薤白

三莖。煎至五分。去滓。不計時候溫服。聖惠○案此本出肘後。今加梔子。人薤白。

治傷寒熱毒入胃。大便膿血。腹中疝痛。宜服此方。

黃連半兩 赤石脂一兩 當歸半兩 乾薑一分 赤芍藥半兩

黃芩半兩

右件藥。搗篩為散。每服三錢。以水一中盞。入粳米五十粒。煎

至六分。去滓。不計時候溫服。聖惠○此本外臺崔氏療傷寒熱利。黃連九。今加芍藥。黃芩。粳

米為散用。

治熱病毒氣攻腸胃。大便或時瀉血。煩悶妄語。升麻散方。

川升麻一兩 川大黃半兩 地榆半兩 當歸三分

赤芍藥半兩 枳殼半兩 黃芩半兩 甘草半兩

右件藥。搗鹿羅為散。每服三錢。以水一中盞。煎至五分。去滓。

傷寒論卷之九

九

律修堂藏板

傷寒論要卷九

不計時候溫服。聖惠

下後脉數不退。下利不止。必協熱而便膿血。用犀角地黄湯。明條

○以上

肘後療傷寒若下膿血者。赤石脂湯方。

赤石脂二兩 乾薑二兩 附子一兩

右三味。以水五升。煮取三升。去滓。溫分三服。後臍下痛者。加

當歸一兩。芍藥二兩。用水六升。煮。忌猪肉。范汪。張文仲同。外臺

○案聖濟加當歸芍藥名赤石脂湯

又白通湯。療傷寒泄痢不已。口渴不得下食。虛而煩方。

大附子一枚 乾薑半兩 甘草半兩

白葱十四

右四味。切。以水三升。煮取一升二合。去滓。溫分再服。渴微嘔。

下心下停水者。一方。加犀角半兩。大良。忌海藻菘菜猪肉。范汪

同。張仲景傷寒論云。本無甘草。仍不加犀角。外臺○案聖惠

范汪。療傷寒下利。脉微足厥冷。通草湯方。

通草一兩 乾薑一兩 枳實四兩 人參一兩 附子一枚

右四味。切。以水六升。煮取二升。適寒溫。飲五合。日三。不差稍

加至七合。忌猪肉。外臺

四柱散。治陰證內寒。腹痛泄瀉不止。

人參 木香○原作白朮 白茯苓各二錢

傷寒論要卷九

指

律修龍藏版

傷寒論卷之九

附子炮去皮臍一箇切作八片用生薑五片大棗二枚

右水二鍾煎至一鍾一方加肉豆蔻訶子一錢五分名六柱

散。蘊要○案本方出和劑六桂散出濟生○以上陰證

下痢膿血更加發熱而渴心腹痞滿嘔而不食此疫痢兼證最為危急夫疫者胃家事也蓋疫邪傳胃十常八九既傳入胃必從下解疫邪不能自出必藉大便之氣傳送而下而疫方愈夫痢者大腸內事也大腸既病失其傳送之職故正糞不行純乎下痢膿血而已所以向來穀食停積在胃直須大腸邪氣將退胃氣通行正糞方能自此而下今大腸失職正糞尚自不行又何能與胃載毒而出毒既不前羈留在胃敗壞真氣在胃一日

有一日之害一時有一時之害耗氣搏血神脫氣盡而死凡遇疫痢兼證者在痢尤為喫緊疫痢俱急者宜檳榔順氣湯誠為一舉兩得溫疫論

檳榔順氣湯專治下痢頻數裏急後重兼古胎黃得疫之裏證者

檳榔 芍藥 枳實 厚朴 大黃

生薑煎服溫疫論

吳又可用檳榔湯係治瘟疫之裏證而兼痢者若有外證仍當解表必如喻嘉言分三次治法始足以盡其變至表裏俱病者又當表裏分治總宜活變不可膠執說疫○案喻說出法律而病下利之例○以上兼滯下案前所錄諸家論方亦概似滯下兼證但其言不了晰耳

傷寒論卷之九

廿七

律修堂藏板

傷寒病後胃氣不和利候。此由初受病時。毒熱氣盛。多服冷藥。以自瀉下。病折已後。熱勢既退。冷氣乃動。故使心下幅窄。噫噦食臭。腹內雷鳴而泄利。此由脾胃氣虛冷故也。巢源○案此即生薑瀉心湯證。

傷寒汗下後氣逆利不止者。寒也。枳實芍藥乾薑甘草湯。

芍藥 甘草 枳實炒 乾薑炮各半兩

右剉細。每服五錢。水煎服。雲岐子保命○案此四逆散變方。

傷寒後便膿血。裏急後重。數至圍而不能便。或少白膿。有似于痢者。切不可痢治。以內虛而風邪下陷。乘虛入客大腸也。慎勿利之。升舉其陽。而陰氣自降矣。升陽除溼防風湯。蒼朮。茯苓。芍藥。大還○案此方本出東垣。上君加葛根用效最著。

傷寒難退十餘日。或二七外。或瘥後半月餘。忽腹中窘迫疼痛。數起後重不快。蓋因餘垢未淨。重傷飲食。新舊相雜。變為積滯。當與痢疾同治。明條

治傷寒後一切痢疾。無問冷熱腹痛。黃連丸方。

黃連去鬚炒二兩 木香 吳茱萸湯洗三遍炒乾各一兩

右三味。搗羅為末。麩糊和丸。如梧桐子大。每服二十九。空心

食前米飲下。聖濟

傷寒汗下後裏急後重。下利者。七宣丸。

大黃一兩 桃仁十二個去皮尖 木香五分 檳榔五錢 訶子皮五錢

右為細末。煉蜜為丸。如桐子大。每服五十九。溫水下。雲岐子保命○

傷寒論要卷九

辨傷寒病

案此本出和劑今去柴胡枳實甘草加檳榔

溫疫愈後三五日或數日反腹痛裏急者非前病原也此下焦別有伏邪所發欲作滯下也。○案此句不確宜芍藥湯愈後大便數

日不行別無他證此大腸虛燥不可攻飲食漸加津液流通自能潤下也覺穀道芬悶宜作蜜煎導甚則宜六成湯。○案此證與方無類

可附併存于此病愈後脉遲細而弱每至黎明或夜半後便作泄瀉此命門真陽不足宜七成湯亦有雜證屬實者宜大黃丸下之

立愈。溫疫論

芍藥湯

芍藥一錢 當歸一錢 檳榔二錢 厚朴一錢 甘草七分

小兒煎服裏急後重加大黃三錢不脈必又於上抽回即出

六成湯

當歸一錢五分 白芍藥一錢 地黃五錢 天門冬一錢

肉苁蓉三錢 麥門冬一錢

照常煎服日後更燥者宜六味丸

七成湯

破故紙炒鍾碎三錢 熟附子一錢 遼五味八分 白茯苓一錢

人參一錢

照常煎服愈後更發者宜八味丸倍加附子。並溫疫論○以上病後

蛇蟲

傷寒論要卷九

七

津參堂藏板

胃中冷必吐。吐。吐。人能皆知為陰也。然亦有陽證吐。吐者。蓋胃中空虛。既無穀氣。故吐。上而求食。至咽而吐。又看別證如何。不可專以胃冷為說。曾記一人陽黃吐。吐。又大發斑陽毒證。口瘡咽痛吐。吐。皆以冷劑取效。是亦有陽證矣。訣要

吐。上。膈。煩。躁。昏。亂。欲。死。兩。手。脉。沈。遲。足。冷。便。秘。者。多。難。治。若。吐。色。赤。而。活。或。多。者。屬。胃。熱。猶。可。治。之。吐。死。色。白。而。扁。者。屬。胃。敗。必。不。治。也。○此說殆錯。右辨云。邪熱過極。口閉目開。謔語。獨語者。宜用大承氣下之。燥糞必黑。吐。必死。凡

人。胃。脘。忽。痛。忽。止。身。上。乍。熱。乍。涼。面。上。乍。赤。乍。白。脉。倏。亂。倏。靜。口。中。吐。沫。不。食。者。便。是。吐。厥。之。候。諸論○以上總證

疫。邪。傳。裏。胃。熱。如。沸。吐。動。不。安。下。既。不。通。必。及。於。上。吐。因。嘔。出。

傷寒論卷之七

傷寒論卷之七

此常事也。但治其胃。吐厥自愈。溫疫論

馬印麟曰。吐厥有熱渴者。黃連解毒湯。有下症者。承氣湯。瘟疫類編

若腹滿不大便。熱甚昏憤。而吐。吐者。此胃邪薰蒸。蟲不得安。故

逆而上。或有大便。糞與吐同出者。用大柴胡湯。明條

清中安吐湯。治胃實熱。嘔吐長蟲。

黃連 薑汁炒 三錢 黃柏 酒炒 錢半 枳實 麩炒 二錢 烏梅 三箇

川椒 去目炒去汗三十粒

右五味共劑水二鍾。加生薑三大片。煎八分。細口服。如病

人胃中虛熱而嘔者。去枳實。加入參一錢五分。辨注

溫熱病而吐。吐者。此胃熱也。胃虛有熱。蟲隨熱氣上行。亦吐出

傷寒論卷之七

七

傷寒論卷之七

傷寒論要卷九

也。宜犀角黃連湯。

黃連三錢犀角四錢

木香五分烏梅三箇

水二鍾半煎七分服。

大還○案此本出外臺引深師療醫瘡○以上陽證

如虵厥胃中有冷飢不能食或食吐蟲宜理中湯加烏梅宜如

劉氏曰凡厥陰虵厥傷寒煩躁吐虵口燥舌乾但欲凉水浸舌

并口脣時不可離不欲噉者宜理中加烏梅選錄

凡虵厥者輕者吐小蟲重者吐長蟲舌燥口乾常欲冷水浸口

不欲噉虵上煩躁昏亂欲死兩手脉沈遲足冷至膝甚者連虵

并屎俱出大便秘而不行此症雖出多可救治也宜加味理中安虵散并烏梅丸治之。蘊要○案二說似不切姑存之。

理中安虵散陶尚文祕方累用之效。

人參三錢

白朮一錢半

白茯苓一錢半

乾薑一錢半

烏梅三個

右作一服水二鍾煎七分服

凡吐虵未止加黃連黃柏各

五分川椒十四粒若足冷甚者必加附子半錢或五錢量病

輕重酌量用之也。蘊要○案原論治虵不可用甘草并甜物今不具錄先君子曰烏梅丸主胃虛而寒

熱錯雜以致虵厥者故藥亦用寒熱錯雜之品治之而有胃虛以偏于寒而動虵者陶華因立安虵理中湯主之而有胃

不虛以偏于熱而動虵者汪琥因製清中安虵湯主之此各取烏梅丸之半而治其所偏也對證施之皆有奇效

蓋虵賴食以養若病人日久不食致蟲上攻咽胃者謂之蟲因饑起人有病愈方食蟲聞食氣亦令上攻咽胃謂之蟲因食起

傷寒論要卷九

七

本草堂或反



